



Aruba Conservation Foundation no por bringa tradicion di cabrito los



Pagina 2

- **Caso "New York"**
den corte awe
pa audiencia
preliminar di
apelacion

Pagina 3

- **Reino Hulandes**
ta extende
colaboracion
educativo cu
enfoke riba
Caribe

Pagina 4

- **Pionero di
turismo,
Remigio Wever**
a fayece

Pagina 6

Gruponan di Carnaval a
briya den Lighting Parade
Oranjestad!



Pagina 12

Hulanda no tin refugio
di bom cu ta funciona
despues di decadas di
negligencia



Pagina 9

Sentencia di corte
ta expone red
di contrabanda
profundamente
incorpora den waf di
Coursou



Pagina 8



Masquerade Nights

DRAWINGS
EVERY
FRIDAY AND
SATURDAY

\$21,000 IN TOTAL PRIZES

WIN CASH | SLOT CREDIT | F&B AND SPA VOUCHERS
WINNERS EVERY HOUR FROM 9:30 PM - 11:30 PM

THE CASINO AT
ST REGIS
ARUBA

Aruba Conservation Foundation no por bringa tradicion di cabrito los

Lo purba scapa y restaura habitat chikito y asina crea comprension

E ta dificil pa bringa tradicion. Pero Aruba Conservation Foundation, ACF, no tin otro opcion cu no ta purba preserva locual a resta di naturalesa di Aruba. “Ta nos responsabilidad,” Director di Conservacion Natasha Silva a bisa Bon Dia di Aruba.

ACF ta consciente cu den comunidad tin grupo cu ta contra e pensamiento pa limita cabrito den e areanan natural. Natasha Silva ta admiti cu kizas hende ta kere cu e ta contra custumbenan local, pero su trabou ta pa preserva e naturalesa y medio ambiente di Aruba.

Ta un hecho, cabrito, burico y den pasado, cabay, ta destrui naturalesa sin discriminacion.

“Na Europa, criadonan di cabrito y carne, tin nan tereno pa e bestianan. Nan ta laga nan come riba parti di e tereno, y despues ta hiba e grupo di cabrito of carne, pa otro parti di tereno, pa asina permiti cu e tera ta recupera y regenera. Tin maneho den e cria. Antes, e criado di carne of cabrito ta cana of ta bay cu su animalnan pa hiba nan come di un caminda pa otro. Na Aruba nos no ta haci ningun di dos. Nos ta djis laga e cabritonan los pa come unda nan kier,” Silva ta nota.

Riba dje, no ta proteha e animalnan. Ora cu auto dal e cabritonan den parke pa un jeep por ehempel, nan no ta muri mesora y ta keda sufri banda di caminda.

“E ta pasa regularmente. Nos no ta mishi nan, pasobra nos no kier problema, ya cu nan no ta nos propiedad,” Edeline Berg, ehecutivo di ACF a splica. “Si identifica e doño y

ta yam’e pa atende cu su animal, ta haya e contesta cu ‘mi no por, mi ta na trabou. Kisas mañan.’ Esey ta e realidad cu a confronta.”

“Pa e ora ey, e animal a muri despues di a sufri hopi. E ta horibel pa e animal,” segun Silva.

Segun Berg, e ta sucede mas hopi cu hende ta pensa.

Pa Silva, e ta ilustra un falta di empatia pa bienestar di e animal, y ta parti di un mentalidad cu no ta contribui na yega na un bon entendimento riba e uso di e tereno di parke, cu no ta unicamente di esnan cu ta cria cabrito, pero ta di tur hende na Aruba.

ACF a bisa cu Gobiernonan semper a reconoce cu e realidad di animal los cu no ta pertenece den mondi, ta un problema. Pero cabrito ta un tema politico dificil.

“Nos nunca lo gana di activistanan cultural. Semper ta mira naturalesa como algo di elite, y no ta realisa cuanto ta depende di naturalesa.

Sociedad moderno ta asina desconecta y no ta realisa con importante naturalesa ta pa bida por draai,” e Director di Conservacion di ACF a bisa.

Segun Silva, a splica Prome Minister cu mester soluciona e realidad di cabrito los, prome cu e cuminsa ehecuta su proyecto di planta mata, pasobra si no, e cabritonan mes lo percura pa e faya.

Pero, a nota cu ya caba criadonan di cabrito a uni pa bay contra cualkier movecion pa hinca e cabritonan tras di un cura.

Tambe ta usa e argumento cu e cabritonan ta percura pa

nutrientenan den tera.

“Nan contribucion ta minimo y esey ta ora cu ta interpreta informacion na forma robes. Compronde naturalesa ta complica. Den cada sistema ecologico, tin animal cu ta come yerba. Si naturalesa ta den balansa, y a desaroya e sistema aki pa milenia, anto e animalnan aki ta den harmonia cu e ecosistema. Pero esey no ta e caso cu cabrito.”

Cabrito ta un animal domestico, cu a keda introduci na Aruba durante e periodo colonial Spaño, “pero e tempo no tabatin hopi hende y no tabatin mester di hopi cabrito tampoco. Asina cu e isla a crece, mas hende a tuma tereno y e cabritonan a aumenta den cantidad.”

Riba dje, a kita mas cu un tercera parti di matanan existente pa e industria di alooe.

Pues e naturalesa di Aruba tabata marca pa impacto tras di impacto.

Esey a sosode den un tempo cu no tabatin mucho conocimiento riba kico un maneho desastroso asina tin pa naturalesa.

Awor mester ta mas responsabel hasta cu tradicion.

Maneho responsabel di cria di cabrito ta trece gasto cune.

E ta rekeri inversion den cura, den tempo pa traha cu e animalnan, mientras cu awor ta djis laga e cabritonan los y laga nan busca nan mesun cuminda den mondi.

“No mester inverti den awa, no mester inverti den cuminda, y ta haci uso di areanan protegi, ta demanda e uso di area proteha pa ganashi priva, mientras cu ta contribui na degradacion di e area. Antes



por a traha asina, pero ya no por. Aruba ta mucho pobla, hasta pa cabrito. P’esey nan ta come den areanan protegi. Nos ta ripara cu no tin regeneracion, pasobra e matanan no ta crece suficiente lihe. Asina cu un chikito lanta cabez, nan ta bira cuminda pa cabrito y e matanan muri, y ta bin erosion. E mester stop,” Silva ta urgi.

ACF no sa cuanto cabrito ta cana rond den e areanan protegi, pero e impresion ta cu nan ta mas.

“Awor ta nan tempo di haya baby. Na Fontein, nos a conta 12 lamchi,” segun Edeline Berg. E grupo na Vader Piet ta mas cu 100 y asina tin gruponan na Rincon y hasta Spaans Lagoen.

Sinembargo, Silva a bisa cu “nos no kier bay guera, pasobra nos ta perde. Cualkier paso cu kier tuma cu por keda percibi di bay contra tradicion cultural, nos lo perde. Pues, nos a dicidi pa e pasonan locual nos por logra.”

A logra pa gran parti cu burico, pero esey tabata mas bien pasobra a reconoce cu buriconan tabata core risico di trafico y maltrato. Pues e tabata basa riba empatia pa nan bienestar. Mescos cu e buriconan, si tin empatia pa e cabritonan, kisas e ora lo kier pa nan bay den un cura, unda nan ta protegi.

Pa tal motibo mes, ACF a dicidi pa e zonanan di exclusion pasobra “nos no por warda te ora yega na un consensus. Nos mester sigui cu nos trabou. E restauracion di habitat lo ta chikito pasobra e ta caro, chikito pasobra no por permiti pa inverti den areanan mas grandi cu ta core risico di cabrito.

E areanan ta mas chikito cu Hoffi Shon Shoco banda di oficinanan di ACF, pasobra e ta costa placa. Pa cera un area asina ya e lo costa como 70 mil florin. Si no tabatin e problema di cabrito, nos lo por a usa e placa ey completamente pa restauracion di habitat. Pero nos mester cuminsa un caminda,” segun Natasha. E ta convenci cu despues cu mira con e areanan aki mehora den calidad despues di cinco aña, lo tin mas comprension pa e trabou.



Caso “New York” den corte awe pa audiencia preliminar di apelacion

Un periodista local, N.M.Q.C.d.A., ta programa pa presenta den corte awe 9 di februari 2026, relaciona cu e caso penal comunmente referi como caso “New York”. E “regiezitting”, cu ta e audiencia preliminar durante cual huesnan lo revisa e estado actual di e investigacion y determina si mes- ter recoge mas evidencia prome cu tratamento di e caso cuminsa. E tipo di audiencia aki ta permiti corte dicidi si investigacion adicional of testimonio di testigo ta necesario prome cu e huicio substancial. Despues di e revision aki, corte por fiha un fecha pa e procedimiento principal.

Caso “New York” ta encera acusacionnan di corrupcion administrativo y violacionnan di secreto laboral, cu ta draai rond di un oficial policial y cuater periodista durante e

periodo entre januari 2021 y maart 2023. Den e huicio inicial den Corte di Prome Instancia, e acusadonan a ricibi castigo di prison condicional y a haya orden pa haci servicio pa comunidad. Varios di e individuonan condena inicialmente a presenta apelacion contra nan sentencia, buscando revision; sinembargo, solamente un di nan, N.M.Q.C.d.A., a sigui cu su apelacion mientras cu e otro cuater acusadonan a acepta nan sentencianan original.

N.M.Q.C.d.A. a ser condena den Corte di Prome Instancia na un castigo di 18 luna di prison, di cual 12 luna a ser suspendi, y a ser poni riba un tempo di prueba di tres aña. Tanto N.M.Q.C.d.A. como Ministerio Publico (OM) a apela e sentencia.

E audiencia preliminar cu lo tuma lugar awe den corte lo enfoca solamente riba asun-

tonan administrativo y preparatorio den e apelacion di N.M.Q.C.d.A. Si corte determina cu ta necesario pa haci investigacion adicional, e por duna orden pa mas accion prome cu e fiha un fecha pa e tratamiento completo riba e merito di e caso. Ta anticipa cu un audiencia substancial cu ta trata e hechonan central y preguntanan huridico por tuma lugar den e prome mitar di 2026. Sesionnan di procedimiento manera esaki no ta atende culpa of inocencia pero mas bien ta determina si e caso ta cla pa sigui pa un resolucion riba su asuntonan principal.

Na december, N.M.Q.C.d.A. a comenta riba e caso. El a indica cu e tabata dispuesto pa renuncia un apelacion si por a yega na un acuerdo cu ta encera pago di un boet en bes di mas procedimiento legal. Segun Andrade, no a ofrece un acuerdo asina, lagando e



como e unico acusado cu a sigui cu su apelacion contra e sentencia. Tambe el a señala cu autoridatnan tabata parce di ta particularmente enfoca riba su rol den e asunto durante e periodo en cuestion.

Mientras cu e audiencia di awe lo no duna sentencia final, e lo aclara e siguiente pa-

sonan den e revision di apelacion di e condena y sentencia di N.M.Q.C.d.A. E resultado por influencia tanto e timeline pa audiencianan substancial como e preguntanan huridico mas amplio rond di e relacionnan di medionan di comunicacion y Cuerpo Policial na Aruba.

Exportacion for di estado Falcon pa islanan ABC ta muestra recuperacion gradual

Exportacion for di estado Falcon di Venezuela pa e islanan Caribe Hulandes di Aruba, Corsou y Boneiro a aumenta den añanan recien, reflehando un reactivacion gradual di comercio despues di años di restriccion di frontera y interrupcionnan logistico. Funcionario y representantenan di industria ta bisa cu e islanan ta keda un destinacion central pa exportacion no petrolero, cu Aruba manteniendo relevancia strategico debi na cercania geografico y demanda comercial.

Di acuerdo cu datonan recien publica pa autoridatnan regional, mas cu 14 mil ton di productonan Venezolano a ser exporta for di Falcon pa e islanan ABC durante 2025. E tres islanan hunto a conta pa mas o menos 72% di e exportacionnan no-petrolero di e estado, consolidando Caribe Hulandes como e mercado principal pa productonan externo cu ta ser manda for di e region. Productonan exporta a inclui fruta, berdura, coco seco, productonan mineral, cuminda di lama y productonan basa riba aloes.

E recuperacion di comercio ta sigui un tendencia mas amplio observa for di 2023, ora cu intercambianan comercial



maritimo a reanuda despues di varios aña di restriccion. Mientras cu e volumennan di exportacion a bin ta aumenta, analistanan ta señala cu e actividad total ta keda significativamente mas abou cu e nivelnan cu a ser mira prome cu 2019, ora cu comercio maritimo cu e islanan tabata mas robusto y sostene pa un flota mas grandi di barconan cu ta opera canto di e costa di Falcon.

Antonio Molina, secretario di Economia y Exportacion

pa Falcon, a declara cu autoridatnan ta enfoca riba reconstrui capacidad di exportacion y fortalece relacionnan comercial cu mercadonan tradicional di Caribe. Den remarken publico, Molina a bisa cu desde cu el a asumi e oficina el a traha pa evalua miho e potencial di exportacion y condicionnan operacional di e region, enfatizando cu ta spera cu resultadonan positivo lo bira mas visibel segun cu e condicionnan di comercio transfronteriso ta sigui normalisa.

Molina tambe a subraya e importancia di consolida actividad di comercio externo como un pilar di desaroyo economico regional, tuman- do nota di aumentonan periodico den volumen di exportacion for di e hafnan di Falcon. Por ehempel, cifranan oficial a muestra cu actividad di exportacion a subi cu alrededor di 24% durante cierto lunanan di 2025 compara cu periodonan anterior, reflehando aumento di envio di productonan Venezolano produci tanto localmente

como den otro estadonan.

Aruba ta keda un destinacion relevante dentro di e grupo ABC, aunke historicamente Corsou a ricibi volumennan mas grandi di carga. Ainda comercio cu Aruba ta sigui expande segun cu negoshinan di ambos banda ta explora oportunidadnan comercial nobo y ta diversifica carteranan di exportacion. Organizacionnan empresarial na Falcon a bisa cu nan ta trahando pa mehora calidad di producto, logistica y strategianan di mercadeo pa recobra cuota di mercado na e islanan.

Mirando pa futuro, autoridad y gruponan di negoshi na Falcon ta anticipa mas crecimiento si conectividad maritimo y condicionnan administrativo mehora. Proposicionnan manera restauracion di rutanan di ferry y fortificacion di infraestructura portuario ta ser cita frecuentemente como medidanan cu lo por accelera e fluho di comercio cu Caribe Hulandes, incluyendo Aruba.

A pesar di retonan continuo, oficialnan ta sostene cu e relacion comercial di hopi tempo entre Falcon y e islanan ABC ta provee un fundeshi pa expansion den futuro segun cu condicionnan economico y logistico regional ta evoluciona.

Reino Hulandes ta extende colaboracion educativo cu enfoko riba Caribe

Aruba ta posiciona pa tuma un rol importante den ampliacion di cooperacion riba enseñansa, desaroyo di forsa laboral y politica cultural den henter Reino Hulandes siguiendo palabracionnan haci durante e Vierlandenoverleg riba Enseñansa, Cultura y Ciencia cu a tuma luga na november 2025. Den un carta cu Minister di Enseñansa, Cultura y Ciencia Hulandes, Gouke Moes, a manda recientemente pa Tweede Kamer e ta splica cu e reunion cu ta trece hunto ministernan di Aruba, Corsou, Sint Maarten y Hulanda, tabatin como meta principal alinea prioridadnan di politica y fortifica colaboracion entre e partinan Caribense y Europeo di Reino.

Oficialnan a describi e discusionnan como enfoca riba continuidad di politica existente mientras ta expande cooperacion den areanan manera exito di estudiante, desaroyo di forsa laboral, formacion di maestro y herencia cultural. Igualdad entre e cuater paisnan a keda e principio cu ta guia acuerdonan, cu retonan comparti trata como responsabilidadnan colectivo.

Pa Aruba, ta premira cu e resultadonan di e reunion lo influencia planificacion di enseñansa, alineacion di mercado laboral y strategia nan di retencion di talento a largo plaso. Instancianan local y trahadonan di politica ta conecta caba cu varios iniciativa referi na dje den e acuerdonan, particularmente esnan mara na mehoracion di resultadonan di estudiante y fortalece lasonan entre educacion y empleo.

Un di e temanan central tabata e expansion continuo di e Aliansa Strategico di Enseñansa, un programa conhunto crea na 2023 pa mehora trayectonan educativo y tasa di exito di estudio pa studentenan Caribense cu ta sigui nan enseñansa superior. E aliansa ta enfoca riba e trayecto completo di e estudiante, for di escogencia y preparacion di estudio te na yegada y guia na institucionan di enseñansa superior den exterior. E ministernan a bay di acuerdo pa extende e programa te cu 2028 pa duna tempo pa completa prioridadnan actual y desaroya un plan pa integra e iniciativa permanentemente den sistemanan existente despues di 2029.



Pa Aruba, e extension ta particularmente relevante pasobra varios iniciativa insignia bou di e aliansa ta operando localmente caba. Un di esakinan ta e Caribbean Academic Foundation Year, un programa di dies luna diseña pa sostene studentenan cu no ta sigur tocante nan direccion di estudio yudando nan fortalece habilidadnan di idioma, preparacion academico y desaroyo personal. E programa a bin ta operando riba Aruba y Corsou y a ser amplia pa islanan adicional na 2025 debi na resultadonan positivo. Awor mandatarionan ta evalua si por introduci un programa similar na Boneiro.

Un otro estructura di sosten di enseñansa cu ta hayando impulso ta e Red di Decanonan di Caribe, cu tin como meta pa profesionalisa conseheronan di scol y fortalece guia pa studentenan di scol secundario cu ta scoge trayectonan di estudio. Ministernan a pidi pa un agenda di accion regional enfoca riba comparti conocimiento tocante mehoracion di e tasa di exito di estudiante, un paso cu por conduci na un sosten di guia mas standardisa a traves di islanan incluyendo Aruba.

Fuera di resultadonan di educacion, e mandatario a splica cu e reunion a pone enfasis riba desaroyo di forsa laboral y riba perdida di talento for di islanan den Caribe, ya cu hopi estudiante di Aruba ta sigui enseñansa superior den exterior—manera na Hulanda, Merca y Latino America—y hopi no ta regresa despues di nan graduacion, un fenomeno conoci como “brain drain” cu ta crea reto den sectornan manera cuido di salud y educacion. Pa atende esaki, ministernan a bay di acuerdo pa aumenta enfoko riba “brain gain” y “brain circulation,” cu ta encurasha graduadonan pa regresa of mantene conexionnan profesional cu nan isla natal, mientras cu e esfuersonan ta inclui alineacion

di educacion local cu demanda di mercado laboral y sesionnan di mesa rondo pa identifica scarsedad di habilidad prioritario.

Aruba ya caba tin experiencia den e area aki pa medio di e Plataforma Educacion & Labor, cu ta sirbi como link entre educacion profesional y necesidadnan di mercado laboral. Structuranan similar ta ser desaroya awor na Corsou y Sint Maarten. Ta anticipa cu e cooperacion regional entre e plataformanan aki lo aumenta cu e Aliansa Strategico di Educacion encarga pa facilita compartimento di conocimiento y planificacion conhunto den henter e islanan.

Data tracking di studentenan Caribense den exterior tambe ta den discusion. Ministernan a reconoce e importancia di mantene contacto cu studentenan pa monitoria progreso di estudio y trayectonan di carera pero a señala cu regulacionnan di privacidad ta haci recoleccion di dato compleho. Como resultado, plannan ta andando pa desaroya un sistema di dato voluntario, protegi pa privacidad pa mehora comprension di patronchinan di movilidad di estudiante y resultadonan di forsa laboral a largo plaso.

Sector di cuido di salud a ser identifica como un di e areanan mas afecta pa scarsedad di talento. Desde 2023, cooperacion entre cuadro ministerial di enseñansa y cuido di salud a enfoca riba mehora e fluho di studentenan Caribense den programanan di cuido di salud y encurasha nan regreso na trabou den e region. Na fin di 2025, a nombra un gerente di programa den e region di Caribe pa coordina e esfuerso aki, cu enfoko particular riba programanan di estudio competitivo manera medicina.

Formacion di maestro y calidad di enseñansa tambe

ta keda prioridadnan halto. Aruba ta forma parti di e partnership Kibrahacha, un colaboracion entre institucionan di enseñansa superior y scolnan rond di Aruba, Corsou y Boneiro. E asociancion ta enfoca riba formacion di maestronan nobo dentro di ambientenan di klas local mientras ta tene cuenta cu contextonan di idioma y cultura Caribense. Ministernan a reafirma nan sosten pa sigui cu e colaboracion aki, subrayando e necesidad pa garantiza suficiente maestro cualifica den henter e region.

Educacion di idioma ta keda un area importante pa Aruba su poblacion multilingual. Mientras Hulandes ta oficial, Papiamentu ta e idioma mas usa. E Red Hulandes como Idioma Stranhero ta promove enseñansa cu ta trata Hulandes como di dos idioma, algo cu ta refleha miho e realidad den klas y ta yuda mehora exito di studentenan cu ta sigui estudio na universidadnan Hulandes. Plannan actual ta enfoca riba mehora lesamento y amplia formacion di maestro.

Cooperacion cultural a sobresali durante e reunion, ya cu e partinan Caribense di Reino a keda colabora pa hopi tempo riba garantianan di herencia cultural inmaterial y implementacion di convencionnan UNESCO, y a aproba un procedura nobo di nominacion pa garantiza un representacion mas balansada riba listanan di herencia mundial.

Na mesun momento a aumenta atencion riba artefacto y obhetonan cultural cu a ser kita durante e era colonial, caminda ministernan a bay di acuerdo pa sostene un grupo di trabou di henter Reino pa consulta museonan y otro interesadonan, desaroya cooperacion y evalua posibel procesonan di debilbe, vincula cu esfuersonan mas amplio pa atende e legado di esclavi-

tud y colonialismo.

Mirando pa futuro, e liderazgo di M4LO a cambia pa Sint Maarten, cu lo ta anfitrión di e siguiente reunion ministerial na november 2026. Te e ora ey, e cuater paisnan lo vigila conhuntamente implementacion di acuerdonan haci na 2025.

Pa Aruba, e resultadonan di e reunion ta señala integracion continuo den cuadro nan di maneho di henter Reino mientras ta mantene e flexibilidad di checucion local. E enfoko riba exito di estudiante, alineacion di forsa laboral y cooperacion cultural ta alinea estrechamente cu prioridadnan di desaroyo existente riba e isla. E expansion di iniciativanan di “brain gain” y programanan di educacion-patrabou por ta particularmente significante pa Aruba su resiliencia economico a largo plaso, specialmente segun cu e isla ta sigui diversifica mas aleu di turismo y fortalece sectornan manera cuido di salud, educacion y tecnologia.

Ta anticipa di funcionarionan di enseñansa na Aruba pa evalua con por integra programanan di Aliansa Strategico di Enseñansa extendi cu iniciativanan local cu ta operando caba pa medio di scol y sistemanan di formacion profesional. Mientras tanto, planificadonan di forsa laboral ta probablemente monitoria desaroyonan di cooperacion regional, specialmente esnan cu ta encera compartimento di dato di mercado laboral y oportunidadnan di training entre islanan.

Instancianan cultural na Aruba por beneficia tambe di un coordinacion regional mas fuerte, particularmente den reconocemento di herencia y colaboracion cu museo. E cuadro nobo di nominacion di UNESCO lo por crea oportunidadnan nobo pa herencia cultural Arubano haya visibilidad internacional.

En general, e palabracionnan alcansa durante e consulta ministerial di 2025 ta refleha un strategia mas amplio di fortalece cooperacion interno di Reino mientras ta atende retonan structural cu sociedadnan Caribense ta enfrenta. Pa Aruba, e proximo añanan probablemente lo enfoca riba traduci e compromisonan regional aki den accion di politica local, particularmente den calidad di enseñansa, sostenibilidad di forsa laboral y preservacion cultural.

Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart-Boekhoudt

Redaccion

noticia@bondia.com

Pilar Flores (hefe di redaccion)
Angenette Figueroa (closer editor)

Leo Maduro

Dilma Arends

Raisa Montilla

Oriana Geerman

Ehecutivo di Benta

Sulaika Croes

sulaika.croes@cspnv.com

Mark Gomes

mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion

accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirksz

Colaboracion

Associated Press
Ret Karibense

Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800

Email: noticia@bondia.com
aviso@bondia.com
info@bondia.com

Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Video di confrontacion entre turista y hotel tocante palapa ta rebiba debate na Aruba

Durante weekend a circula riba rednan social un video di turista Argentino, cu a haya problema cu personal di un hotel pa motibo di uso di e palapa cu tin riba beach. E incidente a escala te cu e turista mester a yama polis, cu na final a interveni y duna e turista rason – esta cu uso di palapa riba beach ta pa tur hende. Pero e incidente aki a rebiba un debate cu tin años andando caba: ken tin derecho y prioridad pa usa palapa?

Den su video, usuario di TikTok, camimazzei5 a graba su mes riba beach, bisando: “Nos ta na e beach di Manchebo; nan a purba di saca nos, y nos a yama polis y nan no a saca nos.”

El a muestra e beach, cu e hotel su tras, unda e cu su famia tabata pasando un rato bao di un palapa. “Ta mi cumpleaños – dato importante. E cuestion ta cu hendenan di e hotel a bin, nan a bisa nos cu nos mester bay for di akinan pasobra tin un orario reserva, cu ta tur palapa pa e hotel. Nos a discuti cu no, cu ta publico. Tres personal di seguridad mas a bin y kier a saca nos. Tampoco. Management a bin, a purba di splica cu e palapa aki ta reserva pa e hotel, cu nan ta paga min’sa cuanto florin pa reserva nan. Nos a bisa bon, cla ta, nos ta yama polis.”

E usuario a sigui conta cu door cu nan celular ta di Argentina nan no por a haci yamada, pues a bay na e hotel mes y a pidi pa haci un yamada, y a yama polis bisa cu nan ta siendo acosa. Polis di berdad a presenta. “Polis a bin y... a duna nos rason, cu e palapa ta publico.”

El a finalisa cu un consejo: “Por favor si nan bin y kier saca boso, resisti, yama polis,



cu polis ta bay duna boso rason.”

E video a genera hopi reaccion entre comunidad local, pa motibo cu e asunto aki di uso di palapa tin hopi tempo causando confusion y frustracion.

Mayoria di usuario a elogia e hoben turista pa no a dobla pa e hotel, pa ta altura di su derecho y pa muestra cu tur hende tin derecho di haci uso di e palapanan riba beach. Otro usuarionan a lamenta cu, segun nan, ora un Arubiano yama polis tocante palapa, e polisnan no lo duna e Arubiano rason.

Problema continuo

E problema cu hende ta haya na momento di kier usa palapa riba beach ta keda uno recurrente na Aruba. Despues di cada cierto tempo, e combersacion a bolbe bay riba e topico di palapa, y si mester paga hotel pa usa esakinan.

E tema aki ya a bin dilanti varios biaha entre e turista y localnan na Aruba.

Na juni 2023, Bon Dia Aruba a aborda e tema aki den un articulo titula “ta permanece duda si uso di palapa ta keda publico of tin cu huur”. Den esaki a bin dilanti si e palapa ta gratis of si ta pertenece na un hotel y ta exclusivo pa huesped di dicho hotel. E



tempo aya a trece dilanti cu hasta tabatin hende cu a indica cu a intimida y spanta nan, bisando cu nan no mag usa e palapa sino cu tin cu huur nan – y tin biaha hasta polis mester a interveni.

Despues, na juli 2024 Bon Dia Aruba a reporta tocante un discusion den un grupo riba Facebook unda hopi turista ta intercambia informacion. E tempo aya, un usuario di inicial G. M. a post tocante un e-mail cu a ricibi di un hotel, indicando cu e tabata “babuca” pa e contenido. Den e e-mail, di cual e usuario a post un screenshot, e hotel ta informa cu “nos tin Palapa y Paraplu pa huur. Pa e Palapanan bo mester un reservacion prome cu tempo, pa e paraplu por djs informa e Pool and Beach attendant. E prijs pa e palapa por varia di \$18 pa \$30 dependiendo di e ubicacion. E paraplu ta costa \$40.”

“Bo mester paga pa para bao di e paraplu di mata di coco riba beach?” e usuario a cuestiona. “Pues den otro palabra si mi kier ta riba beach y den sombra nos tin cu paga? Nos nunca a experimenta esaki na ningun otro resort di beach tropical.”

Manera den e biahnan anterior, cantidad di usuario di e grupo a reacciona, generando mas di 200 comentario. Usuario J.P. a bisa cu “tin problema andando cu esaki pa lunas y lunas. Cualquier palapa riba beach ta publico. Nan no ta pertenece na nin-

gun hotel ni resort. Esun cu yega prome ta hay’e. No tin cobranza. Stoel pa huur, si. Please muestra e carta na polis. Polis lo bay e hotel en cuestion y duna nan un warning.”

Di su banda, C. R. a aclaria cu e palapanan cu ta riba tereno di e hotel si ta priva. “Pero esey ta esnan cerca di e [hotel]. Esnan tras di e marca blauw ta riba beach publico.”

Na 2022, ya caba Bon Dia Aruba a busca aclaracion tocante e situacion di e palapa. Manera ta conoci beachnan na Aruba ta publico, y no ta pertenece na ningun hotel. Por lo tanto palapanan ariba beach tambe ta considera publico y pues por ser usa pa cualquier persona cu yega prome. Den algun caso esaki no ta aplicabel si e liña di propiedad di hotel ta extende te na cierto punto ariba beach of si e hotel a yaga na un acuerdo cu gobierno pa privatisa e uso di palapanan, lagando e hotel mes construi e palapanan.

Falta di claridad den e topico a trece hopi confusion y disgusto entre tanto turista como localnan cu ta haci uso di palapanan pa proteha nan mes di e solo fuerte di Aruba mientras nan ta disfruta di nan dia na lama.

Mirando cu e situacion aki ta keda bin dilanti y causa disgusto entre turista, lo ta bon pa gobierno bin cu un manera pa distingui e palapanan publico for di esnan priva y trece asina mas claridad pa e usuarionan.



Te awe ta usa nan ehempel

Un otro pionero di nos turismo a bay sosega



“Nan ta esunnan cu a basha e fundeshi solido y fuerte cu awe nos por sigui construi riba dje. Nos ta despedi di otro persona cu a nifica asina tanto pa nos turismo”, asina Ronella Croes, CEO di Aruba Tourism Authority a duna di conoce. Ta referi na e fayecimento di Remigio Wever, cu den pasado a maneha y encabesa e oficina di turismo, prome cu el a bira Sui Generis.

Oficina di Turismo di Aruba a nace desde año 1953, pues 73 año pasa. Den e trayecto pa nos por a yega na unda nos ta awe, ta hopi figura a traha duro, incansablemente, cu visionnan diferente pero metanan comun, cu awe nos por bisa di ta un di e destinacionnan preferi den henter Caribe. Un di e pioneronan aki ta Remigio “Mimi” Wever, cu e siman aki a bay sossega.

Por corda ainda cu na año 1985, Aruba Tourism Bureau a transforma den Aruba Tourism Authority, bao di vision y liderazgo di figuranan di diferente persona incluyendo Sr. Remigio Wever.


Nan a percura pa un maneho di turismo duradero durante temporada stabiel, pero tambe durante temporada di desafio! Sr. Michael Kuiperi tabata presente e siman aki tambe na lansamento di e buki ‘40 Jaar Status Aparte: Tussen voortgaan en stilstaan’, siguiendo progreso di Aruba di cerca.

Ta danki na e esfuerso colectivo di cada director y nan respectivo ekipo y socionan, y di tur cu a sigui y tur c uta labora na awe incansablemente, cu awe Aruba por conta cu un turismo solido! Mescos cu ora di construi un cas, semper ta cuminsa cu e fundeshi. Y awe nos por bisa, cu ta obvio pa tur hende, cu turismo di Aruba ta ancla riba un bon fundeshi, solido basha. Consecuentemente e cas riba dje tambe ta fuerte, capaz pa surpasa tempo di solo, di awasero y di biento di cuaresma. Pa nos awendia ta un cuestion di simplemente sigui fortalece e cas y traha riba e hogar, y ‘si’! Atende cu retonan cu e crecimiento ta trece cu n’e! Esey ta parti di e enfoke grandi awendia, den e etapa actual di nos evolucion turistico.

Aruba Tourism Authority ta extende palabranan di gratitud y condolencia na famia y amistadnan di Sr. Remigio Wever.

Tocante Remigio Wever

Despues di a caba su estudio na Hulanda, na final di añanan 60, e prome trabao di Remigio “Mimi” Wever tabata na Aruba Caribbean Hotel, den diferente funcion. Den



añanan 70 a traha na Kroonvlag KNSM-Nedlloyd como “Resident Manager” te ora cu esaki a cera su portanan na año 1984.

Dje el a bay traha na Divi Divi Hotel como auditor pa mas o menos 1 año, pa despues sigui na Aruba Palm Beach Hotel como Personnel Manager te cu año 1989. Remigio Wever a asumi e funcion di Managing Director di Aruba Tourism Authority te cu año 1994, for di unda el a bira Managing Director di Cruise Tourism Authority, un instancia nobo cu el a lanta pa gobierno. El a traha te cu su pensioen na año 2002.

Despues, su ruman chikito, Booshi Wever, como Minister di Salubridad y Medio Ambiente 2001-2009 a pidie pa e bira su consehero principal te cu año 2009. Na año 2011 te cu 2013 el a traha

tambe pa su ruman den Parlamento tempo cu e tabata parlamentario independi-

ente como su fraktiekamer medewerker.

Bario Mabon ta firma MOU cu Gobierno cu compromiso pa bienestar comunitario



Durante e Common Good Conference, Bario Mabon a firma oficialmente un Memorandum of Understanding (MOU) cu Gobierno di Aruba, marcando un paso importante den colaboracion entre gobierno y bario pa promove e bon comun.

Segun Astrid Vries, presidente di e comision di bario Mabon, e acuerdo ta representa un cambio significativo compara cu pasado. El a indica cu durante añanan anterior, voz di bario no tabata scucha, pero cu e situacion a cambia den e periodo actual.

“Den pasado nos no tabata tin oido di gobierno, pero awe nos ta sinti cu e gobierno aki si ta scucha nos,” segun Vries.

E firma di e MOU, haci cu orguyo y cu un fuerte sentido di compromiso pa traha hunto pa bienestar di comunidad, segun un comunicado di gobierno. Segun presidente di e comision, e colaboracion no ta enfoca solamente riba

un grupo specifico, pero riba henter comunidad: mucha, hoben, adulto y adulto mayor. “Nos kier traha hunto pa trece bienestar y cambio pa nos muchanan, nos hubentud y nos grandinan,” Vries a enfatisa.

El a destaca cu mayoria cambio den e bario no ta algo cu por logra di un dia pa otro, pero cu e MOU ta crea un base pa progreso duradero den añanan cu ta bin. Segun Astrid, e compromiso mutuo entre gobierno y comunidad ta esencial pa logra cambio real y sostenible.

E testimonio di Bario Mabon a reenforza e mensahe central di e Common Good Conference: cu e bon comun ta construi den colaboracion, dialogo y accion conhunto. Pa Vries, e acuerdo ta un invitacion pa sigui traha hunto pa un comunidad mas fuerte y cu mas oportunidad pa tur. “Pa logra e bon comun, nos tin cu traha hunto,” Vries a conclui.



**WE ARE
HIRING
Security Guards**

- Good team player
- Attention to details
- Ability to follow instructions
- Flexibility
- Provide excellent customer service
- Good communication
- Responsible, proactive & reliable
- English & Papiamentu is required

- Competitive Salary
- Dental & Vision Insurance
- Attendance Incentive
- Wellness Program
- Recognition Program
- Vacation Saving Program

Please submit your resume to
humanresources@paradisebeach.aw
or apply in person by The Front Desk

✉ humanresources@paradisebeach.aw

📍 J.E. Irausquin Boulevard 64 ☎ +297 525 4093



Malesa di kala-azar ta aumenta fuertemente na Kenia

(AFP)—Pa casi un año, diagnostico eroneo continuo di e enfermedad mortal kala-azar a pone e salud di Harada Hussein Abdirahman, 60 año di edad, deteriora gradualmente, mientras un brote den regionnan isola di Kenia a reclama un cantidad record di bida.

Kala-azar ta ser transmiti pa ‘sandfly’ (musca di santo) y ta un di e enfermedadnan tropical negligisha mas peligroso, cu un tasa di mortalidad di 95 porciento si no haya tratamiento, causando keintura, bahamento di peso y hinchamento di bariga y higras.

Casonan di kala-azar, tambe conoci como leishmaniasis visceral, a mira un aumento skerpi na Kenia, for di 1.575 na 2024 pa 3.577 na 2025, segun e ministerio di Salud.

Autoridadnan di salud ta bisa cu e enfermedad ta expandiendo pa regionnan cu no tabata afecta anteriormente y ta birando endemico, empeora pa cambio di clima y expansion di colonianan humano, cu miyones di hende posiblemente na riesgo di infeccion.

Abdirahman, un adulto di 60 año, a ser pica mientras e tabata cuidando ganado na e condado Mandera den noordoost Kenia, un ‘hotspot’ pa e parasitonan, pero cu apenas tres centro di tratamiento capaz di trata e enfermedad.

E tabata obliga di confia riba un boticario local cu cada biah a diagnostik’e eroneamente cu malaria y keintura di dengue pa mas of menos un año.

“Mi a pensa cu mi tabata muriendo,” el a bisa AFP. “E ta mas pisa cu tur e enfermedadnan cu nan a pensa mi tabatin.”

Despues di e tratamiento fuerte pa kita toxina for di su curpa, el a keda cu problema di oido.



Oost Africa en general ta representa mas cu dos tercera parti di tur casonan global, segun e Organizacion Mundial di Salud (OMS).

“Cambio di clima ta amplia e rango di sandfly y ta aumenta e riesgo di brotenan den areanan nobo,” doctor Cherinet Adera a bisa, un investigador na Drugs for Neglected Diseases Initiative na Nairobi.

Un aumento di caso entre trahadornan migrante na un sitio di excavacion na Mandera a causa autoridadnan luna pasa pa limita movimiento durante oranan di anochi y mainta tempran, ora sandfly ta mas activo.

Al menos dos trahador a muri, segun coleganan. Otro nan a bay back nan pueblo y nan destino no ta conoci. “Nos no tabata sa nada di e enfermedad raro cu tabata causando e morto di nos coleganan,” Evans Omondi, di 34 año, a bisa, ken a biah centenares di kilometro pa traha na e sitio.

“Nos tabata hopi spanta,” Peter Otieno a agrega, un otro trahador for di e mesun region den Kenia, recordando con nan a mira nan colega infecta bira mas y mas zwak.

Na 2023, e seis paisnan Africano mas afecta a adopta un marco na Nairobi pa elimina e enfermedad pa 2030.

Pero “tin hopi poco centro den e pais cu por diagnostica

y trata kala-azar activamente,” doctor Paul Kibati a bisa, experto di enfermedad tropical di NGO di salud Amref.

El a bisa cu mester mas entrenamiento, pasobra eror den test y tratamiento por ta fatal.

E tratamiento por dura te 30 dia y ta inclui inyeccion diario y hopi biah transfusion di sanger, cual por costa te 100.000 shilling Keniano

(775 dollar), sin conta e costo di medicina, Kibati a agrega, subrayando e necesidad pa “centronan ta adecuadamente equipa.”

Sandfly sa biba den buraconan di casnan di lodo cu no ta bon cera, den casnan di fruminga y den cracknan den tera, multiplicando durante temporada di yobida despues di segura prolonga.

Noordoost di Kenia, mescos

cu regionnan den Etiopia y Somalia, a experiencia un secura devastador den e ultimo lunanan. “Kala-azar ta afecta principalmente esnan mas pover den nos comunidad,” Kibati a bisa, agrava pa desnutricion y un sistema inmunologico debil.

“Nos ta anticipa mas caso ora e temporada di yobida cuminsa,” el a bisa.



TRABOU DI MANTENCION DEN TRANSFORMATORHUIZEN NA MABON Interupcion di Coriente Planea

En conexion cu trabounan necesario pa mantene un suministro di coriente confiabel, e servicio di coriente lo wordo interumpi:

**Diahuebs, 12 di februari 2026
8:30 AM te cu 3:30 PM**

Den vecindario di:

- Brasil (un parti)
- Byerlite (un parti)
- Caya Bohi (un parti)
- Caya Butishi (un parti)
- Caya Casuela (un parti)
- Caya Mangasina (un parti)
- Caya Pan Bati (un parti)
- Caya Parapete (un parti)
- Caya Tapushi (un parti)
- Mabon (un parti)
- Mabon Kavel (un parti)
- Noord Cura Cabai (un parti)
- Rooi Koochi (un parti)
- Rooi Master (un parti)
- Savaneta (un parti)
- Caya Maishi Rabo (un parti)

N.V. ELMAR ta pidi disculpa pa e inconveniencia cu e interupcion di coriente aki por causa.

Bishita www.elmar.aw pa mira e lista di adresnan

Danki pa e comprension.

ELMAR



Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com



Sentencia di corte ta expone un red di contrabanda di droga profundamente incorpora den waf di Corsou

(CuracaoChronicle)—Un serie di sentencianan publica diabierna pa Corte Comun di Husticia ta marca e conclusion legal di un di e investigacionnan di droga mas grandi y mas extenso cu a involucra e waf di Corsou den e ultimo añanan. Den varios caso di apelacion, corte a confirma sentencianan largo di prison pa acusadonan cu a hunga rolnan clave den e exportacion di cantidadnan grandi di cocaína y, den varios caso, e importacion di cannabis. Hunto, e sentencianan ta pinta un cuadro detaya di con trafico di droga structural y organisacion ta incorpora den e logistica di e waf mes.

E waf di Corsou ta funciona diariamente como un centro logistico cu ta conecta Caribe, Latino America y Europa. Segun corte, ta hustamente e eficiencia y escala di e waf cu ta hacie atractivo pa rednan internacional di droga. E sentencianan ta muestra cu e operacionnan di contrabanda no tabata oportunista ni accidental, pero cu nan tabata depende riba infiltracion sistematico di e proceso di waf, cu personanan interno ocupando posicionnan central den e



cadena criminal.

E casonan no ta trata di un solo embargo, pero di exportacionnan repetitivo di cocaína, den algun instancia cu a involucra centenares di kilo cada biaha. E droganan tabata scondi den containernan cu carga legitimo of a ser agrega mas despues na containernan cu tabata den transito caba. Corte ta hacie cla cu esakinan tabata operacionnan cu tabata plania cu cuido y no tabata actonan isola.

Central den e caso ta empleadonan di waf, incluyendo personal di seguridad y personal logistico. E personanan interno aki tabatin acceso na areanan y informacion cu no tabata disponible pa person-

anan no conoci cu e sistema, manera ubicacion di container, procedementonan di control y momentonan di inspeccionnan. Segun corte, nan tabata habri portanan, facilita acceso na areanan restringi y pasa informacion tocante cual container por tabata ser manipula cu poco riesgo.

Den algun caso, nan rol tabata involucra habri acceso fisico. Den otro, e rol tabata consisti di comparti dato crucial, manera codigonan di container, numbernan di sello y posicionnan di terminal. Corte a enfatisa cu e rolnan facilitador aki tabata indispensable. Sin cooperacion di personanan interno, e operacionnan di contrabanda

no por a ser realisa.

E sentencianan tambe ta describi un modo di operacion consistente. Hopi biaha tabata pone e droganan den container pafo di Corsou. Unabes cu e containernan yega na waf, personanan interno tabata sigura cu nan por habri nan sin inspeccion. Den algun caso, tabata kita pakete; den otro, tabata agrega droga pa transportacion mas leu pa Hulanda. E operacionnan tabata ser calcula cu cuido pa coincide cu momentonan di poco supervision of un fluho rapido di container, cambiando e waf den un punto di transito y no un destino final.

Un elemento esencial di e sistema criminal tabata comunicacion a traves di aparato encripto SKY ECC. Den casi tur caso, corte a basa riba un cantidad grandi di mensahenan cu tabata referi den lenga codifica na “caha”, “tasnan di deporte”, “sellonan” y “blokinan”. Potretan di pakete, container y sellonan tabata ser comparti pa evita eror. Aunke e mensahenan tabata hopi biaha fragmenta y skirbi den terminonan desconoci, corte a conclui cu e contexto, momento y repeticion di nan uso tabata revela un patronchi cla y consistente pa coordina logistica, asigna rol y confirma cargonan. Argumentonan di defensa cu ta alega persecucion arbitrario of trato secreto entre Ministerio Publico y co-acusa-

donan a ser rechasa riba tur linea. Corte a dicta cu decisionnan di persecucion ta cay den discrecion di Ministerio Publico, tanten cu nan ta razonablemente hustifica. Reclamacionnan cu declaracionnan di co-acusadonan no tabata confiable tambe a ser descartá, pasobra e declaracionnan aki tabata consistentemente corobora pa evidencia obhectivo manera dato di comunicacion, grabacion di camara y registro logistico.

Loke ta sobresali claramente for di e sentencianan ta e conclusion di corte cu trafico di droga a traves di e waf no ta un fenomeno marginal, pero un fenomeno structural. E operacionnan tabata depende riba rolnan filio, accionnan repetitivo y cooperacion a largo plazo. Corte a enfatisa cu e combinacion di acceso interno y rednan criminal internacional ta haci e waf particularmente vulnerable.

E sentencianan di prison, cu ta varia entre cinco y 14 aña, ta refleha no solamente e cantidad di droga involucra, pero tambe e kibramento di confianza di parti personanan interno. Segun corte, esnan cu ta mal usa infraestructural publico vital pa facilita crimen organisa na gran escala ta carga un responsabilidad mas halto.

Mas aya di condenanan individual, e sentencianan ta expone un mecanismo mas amplio. Nan ta muestra con trafico di droga a cambia for di actividadnan na nivel di caya pa logistica profundamente organisa, cu ta opera den infraestructura esencial. Como tal, e sentencianan no ta simplemente un fin legal, pero un reconstruccion detaya di con e waf di Corsou a funciona como un punto clave den trafico internacional di droga, y pakico restaura confianza den e sistema aki ta keda un reto complejo.



Segun estudio, Hulanda no tin refugio di bom cu ta funciona despues di decadas di negligencia

(NLTimes) - Casi tur e bunker y shelternan di e era di Guera Friu di Hulanda a cay den deterioro, a ser desmantela of converti pa otro usonan, lagando e pais sin ningun refugio civil demostrablemente usabel y efectivamente sin infraestructura di proteccion civil cu ta funciona, segun un investigacion di Binnenlands Bestuur.

Durante e Guera Friu, e gobierno Hulandes a inverti hopi den defensa civil, construyendo centenares di bunker rond di e pais. Stacionnan di metro den ciudadnan grandi a ser reforsa cu portanan di hero, filternan di airco y sistemanan grandi di ventilacion, mientras cu miyones di euro a ser gasta na tanki di awa, reservanan di azeta y generatorman. E medidanan aki tabata destina pa protege ciudadano den caso di un atake nuclear, aunke nunca nan no a ser usa.

Segun cu e Guera Friu a caba y e nivelnan di menasa a baha, e urgencia pa mantene e refugionan aki a baha. Despues cu e Ley di Proteccion Civil a ser revoca na 1986, propiedad di mayoria di e bunkernan a ser transferi for di e gobierno nacional pa municipionan, cu

a asumi responsabilidad pa mantencion.

Un encuesta di Binnenlands Bestuur di 342 municipio a constata cu mayoria no a mantene nan mes na e mantencion. Di e 190 municipionan cu a responde, representando 10,7 miyon residente, 116 a afirma cu nan no tabatin bunker di Guera Friu, mientras cu 74 a reconoce di tin nan. Solamente 35 di e municipionan ey a informa di tin un inventario actualisa di bunkernan, y solamente 13 a bisa cu nan tin cualkier plan di mantencion local.

“Esaki ta nifica cu solamente 17,6% di municipionan cu bunker tin politica pa nan mantencion,” e rapport a bisa. Controla e contesta di e municipio cu registronan historico y e base di dato di e Fundacion Menno van Coehoorn a revela cu por lo menos un tercera parti di e municipionan cu ta pretendende di no tin bunker en realidad tin, y dies mas a basha esun di nan abou recientemente. Ni Rotterdam, cas di e cantidad di mas grandi di bunker den e pais, no por a duna informacion completo pa e encuesta.

Mayoria di e municipionan Hulandes a transferi bunkernan pa fundacion of asocia-



cionnan, cu awor ta usa nan como studionan di musica, atelier di arte, scol, museo, of espacio di almacenamiento. Por ehempel, Utrecht a converti bunkernan den studionan creativo, Nijkerk ta usa un manera un pista di bowling, y Helmond ta opera un klas di scol den un bunker anterior.

Hopi gobierno local ta cita e falta di legislacion nacional como e motibo pa no mantene of construi shelternan nobo. Venlo, por ehempel, a bisa, “Pa loke ta trata herencia, nos ta considera conservacion di bunkernan importante. Pa otro propositonnan, no tin legislacion nacional. P’esey, nos no tin ningun politica pa ningun otro funcion cu no ta preservacion di herencia.”

Hasta ora municipionan ta mantene inventario, e bunkernan ta, segun informe, pa gran parti inusabel. Solamente dies municipio inicialmente a informa nan shelternan como “usabel,” pero mas investigacion a revela cu algun tabata dera of no tabata propiedad di e municipio mas.

Raphaël Smid di Fundacion Menno van Coehoorn a enfatisa cu Hulanda nunca tabatin como meta pa refugia tur ciudadano. “Durante e Guera Friu, e politica tabata refugio na cas bou di trapi of den kelder, cu suministronan basico di auto-suficiencia. Algun compania tabatin nan propio refugio, manera Philips na Eindhoven of Postgiro na Arnhem.”

El a adverti cu revitalisa shelter-

ternan bieu of construi nobo lo rekeri biyones di euro y leynan di emergencia pa evita zonificacion, reglanan ambiental y retonan legal. Hasta cu esfuerso maximo, protege tur ciudadano ta probablemente imposibel.

Amsterdam, cu tin 41 bunker incluyendo e Vondelbunker na Vondelpark—awor un espacio pa evento y sala di training—no tin plan pa reactiva shelternan, AT5 a informa. “E menasa actual ta mayoria biahha hibrido, loke ta nifica cu atakenan digital riba infraestructura critico ta mas probabel cu atakenan nuclear,” un vocero di e municipio a bisa. E ciudad ta preparando door di mantene procesonan critico y establece puntonan di sosten di emergencia local, en bes di restaura bunkernan di Guera Friu.

Gobierno Hulandes a revoca mas cu 90 ciudadania den cuater año

(NLTimes) - Den e ultimo cuatro añanan, gobierno Hulandes a revoca ciudadania di 90 persona, segun cifranan di Servicio di Inmigracion y Naturalisacion (IND). Ley Hulandes ta permiti pa kita ciudadania solamente for di personanan cu tin otro nacionalidad, ya cu paisnan no por haci hende sin estado, RTL ta informa.

Di e 90 casonan, 30 tabata boluntario. E individuonan aki sea a scoge un otro nacionalidad of a renuncia formalmente na nan ciudadania Hulandes. Den e resto di e casonan e personanan a perde nan ciudadania pa motibo di fraude of envolvimento den actividadnan terrorista.

Ciudadania por bay perdi boluntariamente, manera ora un hende adkiri un otro nacionalidad, renuncia ciudadania formalmente, of, si e tin dobel nacionalidad, ta biba pafo di Hulanda continu-

amente pa mas cu 13 año.

E por ser revoca tambe door di e Minister of Secretario di Estado di Husticia y Seguridad si e ciudadania a ser obtene pa medio di fraude. Personanan condena pa crimennan cu ta carga por lo menos un castigo di ocho año di prison of tabata involvi den actonan terrorista tambe por perde nan ciudadania. Individuonan for di 16 año por perde ciudadania si boluntariamente nan drenta militar di un pais den guera cu Hulanda of su aliadonan. Esnan di 18 año of mas tambe por perde ciudadania si nan join organisacionnan cu ta participa den conflictonan arma cu ta menasa seguridad nacional.

Secretario di Estado Arno Rutte a describi revoca ciudadania como “un medida excepcional y severo.” El a bisa, “Ciudadania Hulandes ta duna derecho pero tambe ta carga responsabilidadnan. Esnan cu consistentemente



ta negligisha e responsabilidadnan ey por enfrenta consecuencianan.” Rutte a enfatisa cu cada caso ta ser evalua individualmente, y den casonan di terrorismo of menasa di seguridad nacional, revocacion ta un accion delibera y hustifica. Esnan cu su ciudadania keda

revoca por apela e decision den Corte, cu tin e autoridad final. Si no entrega apelacion, ciudadania ta bay perdi automaticamente.

Parlamentario di VVD Ingrid Michon a bisa, “Cualquier persona cu drenta un organizacion terrorista ta perde

ciudadania y mester bandona Hulanda. Ta bon pa mira cu esaki a sucede ultimo añanan.” Tambe el a señala cu individuonan cu ta wardando deportacion mester ser monitoria, por ehempel, cu monitornan electronico di enkel, pa evita cu nan ta disparece.

Asfura ta bisa cu combersacion cu Trump ta fortalece relacion entre Honduras y Merca

(Infobae) – Presidente di Honduras, Nasry Asfura a describi su reunion cu presidente di Merca, Donald Trump, como “productivo” y como un encuentro cu ta reafirma e fortaleza di e relacion bilateral entre tur dos pais.

Segun Asfura, e agenda oficial a inclui e situacion di migrantenan cu Temporary Protected Status (TPS), e fortificacion di institucionnan anticorupcion y e modernisacion di marco legal pa facilita cooperacion bilateral y desaroyo.

Tarifa y comercio

E presidente Hondureño a subraya e urgencia di revisa e tarifanan cu actualmente ta afecta e productonan clave di e pais, cu ta enfrente tarifa di 10% y 25%. Durante e reunion cu Trump, Asfura a splica cu e comisionnan tecnico encarga di analisa e tema ya a ser forma, y a anuncia cu e dialogo cu Merca pa trata e tarifanan lo cuminsa proximo siman na Honduras.

E revision di e impuestonan ta un prioridad pa e presidente, kende a resalta cu “mayo-



ria di nos productonan, casi 60%, ta bay Merca”. Segun e, mehora e condicionnan comercial lo permiti atrae inversion stranhero y crea empleo na e pais. Asfura a reconoce cu Honduras ta competi den desbentaha compara cu Guatemala y El Salvador, caminda

sistema di tarifa y inversion ya a keda ahusta pa faborece nan industria.

Migracion y TPS

Den materia di migracion, Asfura a revela cu e futuro di TPS pa Hondureñonan

residente na Merca tabata parti di e combersacion. “E ta pendiente di TPS”, segun e presidente, kende a preferi no drenta den detaye riba otro politica migratorio, pero a sigura cu tur dos pais lo revisa nan leynan y accionnan hunto pa proteha migrantenan.

Seguridad y lucha contra corrupcion

Seguridad tabata otro punto central di e agenda bilateral. Asfura a compromete su gobierno pa fortifica cooperacion cu Merca den e lucha contra criminalidad organisa y inseguridad. Riba e tema di CICIH (Comision Internacional contra Corupcion y Impunidad na Honduras), e presidente a bisa cu e asunto no a ser trata den profundidad durante e reunion, pero si a anuncia cu lo manda Congreso un ley nobo di corrupcion, transparencia y contra soborno.

“No mester tin simplemente un CICIH; ta un proceso cu mester sigui. Ningun gobierno realmente a logra esaki den añanan pasa, pero ta un control caminda nos kier tin mas auditoria interno y exter-

no”, Asfura a declara. El a garantiza tambe e fortificacion di Fiscalia General, Consejo Nacional Anti-Corupcion y Corte Superior di Cuentanan, cu e promesa di duplica e presupuesto di esun ultimo door di amplia supervision estatal.

Relacion diplomatico y infraestructura

Durante e reunion, tur dos gobierno a trata e estado di relacion diplomatico y e nombramento di embahador. Asfura a confirma cu Honduras ya a manda e propuesta pa Ricardo Flores Bermudez asumi representacion na Washington, mientras Trump a indica cu el ta analisa e nombramento di e embahador nobo di Merca na Honduras.

E presidente Hondureño tambe a informa cu el a presenta Trump un propuesta pa un ruta di trein nobo pa Honduras. Segun Asfura, e desaroyo di spoor di trein ta representa un oportunidad strategico pa modernisa infraestructura nacional y facilita comercio.

Sector electrico Dominicano a registra perdida di 42,9% den energia adkiri

(Infobae) – Ministerio di Energia y Minería di Republica Dominicana a informa cu, te fin di november 2025, e Companianan di Distribucion di Electricidad (EDE) a registra perdida cu a yega 42,9% di e energia cumpra.

Esaki ta ekivalente na 7.418,6 gigawatt-ora (GWh) no factura, riba un total di 19.091,1 GWh adkiri durante e prome 11 luna di año. E cifranan aki a refleha un impacto directo riba e cuenta publico y a profundisa e debate tocante e eficiencia di e sector electrico nacional.

Durante 2025, ciudadano Dominicano a experencia varios interrupcion di coriente y incluso un blackout nacional. Casi na fin di e año, Ministerio di Energia y Minería a indica cu e periodo a cera cu punto relevante pa e sector, marca pa un demanda masivo di energia.

E dificultadnan structural



den e sector electrico Dominicano no ta nobo. E operacion di e EDE-nan, entidadnan responsable pa cumpra, distribui y factura coriente riba e isla, historicamente tabata marca door di nivelnan halto di perdida tecnico y no-tecnico.

E perdidanan tecnico ta resulta di e edad y precariedad di e infraestructura electrico, mientras e perdidanan no-

tecnico tin nan origen den fraude, conexion informal y deficiencia den sistema di cobranza.

E financiamiento estatal di e companianan aki ta constitui un elemento central den e debate tocante e costo di ineficiencia. Ministerio di Energia y Minería a confirma cu Estado a cubri e deficit genera door di EDE mediante transferencia grandi. E Pre-

supuesto General di Estado 2026 a asigna 85.150 milyon peso pa cubri e necesidadnan di e distribuidornan, un cifra calcula riba un suposicion di petroleo di 47,8 dollar Mericano pa bari. Sinembargo, proyeccionnan ta muestra cu prijs di combustibel lo ta mas halto den 2026, loke ta sugeri ahuste futuro den e transferencianan, ripitiendo loke a pasa den e presupuesto revisa di 2025.

Perdida persistente y contraste cu otro sectornan

Segun e informe, di e 42,9% di perdida total, 38,9% ta corresponde na energia no factura y 4,1% na energia factura pero no cobra. Esaki ta nifica cu pa cada 100 GWh adkiri, e companianan practicamente ta laga di recauda casi 43 GWh. E impacto di e ineficiencia aki ta keda riba e contribuyente, kende ta asumi e costo di energia no recupera a traves di e presupuesto nacional.

En contraste, otro sectornan clave di e economia Dominicana a muestra balans positivo den e mesun periodo, segun dato oficial publica den informe economico reciente. Turismo y zona liber a cera e año cu crecimiento notable y aumento den generacion di divisa y empleo formal, impulsando e recuperacion economico di e isla.

CaPRI ta expone debilidadnan institucional den sistema di adopcion di Jamaica

(JamaicaObserver) - Aunke tin 4.500 mucha den cuidio di Estado y mas cu 150 adoptante aproba ta warda, menos cu 20 mucha ta ser adopta anualmente, segun e think tank local Caribbean Policy Research Institute (CaPRI).

E entidad, den su estudio mas recientemente publica enfoca riba adopcionnan no-familiar di muchanan cu ta bou cuidio di e Estado y nan ponemento cerca mayornan adoptivo aproba, ta bisa cu el a haya cu “e tasa abou di adopcion di Jamaica no ta e resultado di resistencia cultural of falta di demanda, pero di fayonan institucional cu ta laga muchanan den cuidio prolonga durante e añanan mas sensitivo di nan desaroyo di bida.”

CaPRI, den e estudio titula “Home Advantage Reforming Jamaica’s Adoption System”, a bisa cu e “retrasonan aki ta erosiona capacidannan cognitivo, emocional y social cu ta sostene logronan educativo despues, participacion riba mercado laboral y integracion social”.

“Alrededor di 4.500 mucha entre edad di cero pa 16 aña ta bou di cuidio di Estado a traves di casnan di mucha, cuidio di criansa of programanan di reintegracion di famia. Frecuentemente ta ser afirma cu casi ningun di e muchanan aki ta legalmente disponibel pa adopcion; sinembargo, e trayectoria di e poco cu ta yega na adopcion ta sugeri otro cos. A base di casonan revisa pa e Hunta di Cuido di Adopcion, ta parce cu tin hopi mucha bou cuidio di e Estado cu nan circunstancianan por cumpli cu e criterionan pa adopcion pero cu nan casonan nunca no ta progresa te na e fase ey,” e estudio, investiga pa Sar-maria Virri, a declara.

Di acuerdo cu CaPRI, gerentenan di casnan priva pa mucha ta confirma e resultado aki, reportando cu muchanan bou cuidio di e Estado cu no



tabatin contacto cu famia pa añanan ainda nunca no ta ser considera pa adopcion permanente.

Ademas, e entidad a bisa, “Babynan recién naci cu ta ser renuncia na nacemento ta warda, den promedio, dos aña pa ser poni cerca famianan adoptivo. Muchanan mas grandi tipicamente ta warda mas largo, y hopi di esnan cu por a ser adopta ta pasa henter nan infancia den cuidio residencial, a pesar di un grupo permanente di adoptantenan aproba y evidencia cla riba e balor di permanencia trempan.”

E think tank, afirmando cu e rol marginal actual di adopcion den e sistema di proteccion di mucha di Jamaica no ta accidental, a bisa cu e situacion ta e resultado di un “filosofia institucional prevalecente cu adopcion mester ser considera solamente despues cu esfuersonan prolonga y hopi biaha irealistico pa reunificacion a fracasá”.

“E acercamento aki, mientras cu e ta hancra den un preocupacion legitimo pa preservacion di famia, tin e efecto di pospone adopcion pa muchanan hasta ora reunificacion ta improbabil, insigur of indetermina. E resultado ta un sistema orienta na proceso en bes di resultadonan, cu sistematicamente ta subestima e gastonan di desaroyo di retraso, y cu ta subordina e miho interes di e mucha na consideracion,” el a declara.

CaPRI a bisa: “Muchanan cu ta drenta cuidio di Estado hopi biaha ta desbentahoso, pero adopcion por ta un fac-

tor protector poderoso, permitiendo muchanan cu ta ser poni trempan pa recuperatereno di desaroyo substancial.”

Mientras tanto, el a expresa malcontento cu e ley di adopcion di Jamaica, cu originalmente tabata diseña riba e Ley di Adopcion di 1958 di Reino Uni, a keda mescos desde su aprobacion. Den contraste,

Reino Uni a revisa su legislacion di adopcion tres biaha. “Tin un consenso amplio entre esunnan cu ta traha politica y oficialnan di proteccion di mucha cu e Ley di Adopcion di Jamaica ta anticua y mester di reforma. Un revision formal a ser haci na 2013, pero te cu januari 2026 no a promulga ningun cambio, a pesar di declaracionnan ministerial periodico cu ta señala consideracion inminente di Gabinete,” e estudio a señala.

Ademas a señala un anomalia causa pa e hecho cu, mientras cu e Ley a establece e Hunta di Adopcion como e unico autoridad legal responsabel pa tur aspecto di adopcion, incluyendo aprobacion di aplicacionnan, investigacion di adoptantenan potencial, y

combinacion di muchanan cu famianan adoptivo, den contraste e Ley di Cuido y Proteccion di Mucha ta asigna responsabilidannan di proteccion di mucha na varios entidad, incluyendo e Oficina di Abogado di Mucha y e Oficina di Abogado di Mucha Registro di Mucha.

Ademas, CaPRI a señala cu e establecimiento di e Agencia di Desaroyo di Mucha (awor e Agencia di Proteccion di Mucha y Servicio di Famia of CPFSA), e administracion practico di asuntonan di adopcion a ser traspasa for di e hunta, haciendo asina cu e CPFSA awor ta ehecuta e funcionnan operacional nucleo di tanto proteccion di mucha como adopcion, “un configuracion cu tin implicacionnan material pa adopcion”.

LA NOTTE dell' Amore

FEBRUARY 14 | 5:30PM

3-course dinner
Price: \$210 per couple
Includes a bottle of wine

JOIA
BY IBEROSTAR

Reservations trough [opentable.com](https://www.opentable.com)
JOIA Aruba offers a seamless, fully cashless experience

FIND US ON

BONDIA
ARUBA

www.bondia.com

ALSO AVAILABLE ON

f i d x

72 Alegria y Fantasia

Gruponan di Carnaval ta briya den Lighting Parade Oranjestad!



Despues di un parada cu bon ambiente na Jouvert Morning cu a caba diasabra mainta, diasabra anochi Aruba a gosa atrobe di un di e paradanan mas faborito durante e temporada di Carnaval: Lighting Parade na Oranjestad.

E parada a mira participacion di varios grupo, di ken nan miembronan a baila y canta cu alegre, completa cu nan disfraz colorido y briyante! E parada a cuminsa alrededor di 8or di anochi na Aruba Entertainment Center Dakota, despues a sigui pa Vondellaan, L.G. Smith Boulevard y caba

na Turbo Rotonde Boulevard.

E secuencia di grupo tabata lo siguiente:

1. TOB Carnival Group
 2. Dushi Carnival Group
 3. Champagne Carnival Group
 4. Empire Carnival Group
 5. Los Laga Bai
 6. HEPA DMC society
 7. Colours Carnival Group
 8. Royal Carnival Group
- Carnavalistanan sigur a disfruta di un anochi ameno cu famia!



Island Asia Store
Av. Milio Croes 122
Nos tin tur cos esencial pa disfruta di Aruba su CARNIVAL 72 sano y den style!
Tel. 583-8888
Biba nos Carnaval!



CUMPR AWO

Afl. 169
IGLOO 60 qt
Rolling Cooler

electro ☆
Avenida Milio Croes 41 • T: (+297) 280-0222



72 CARNIVAL
Nos tin tur cos!
Corda pasa cerca nos!
amc unicon



23 JAN - 15 FEB

Per Case
f54.50
Special Price
BELGA STAR BEER

SUPER Doit Center
Carnaval DEALS
*Promocion ta valido tanten cu tin den stock.

CARNIVAL BINGO

MONDAY, FEBRUARY 16 | 1PM

8 Games to Play! \$7 for 4 Cards!

Progressive within 51 Calls: **\$1,500**
Progressive within 52 Calls: **\$1,000**
Progressive within 53+ Calls: **\$500**

\$24,444

PROGRESSIVE*

Special Door Prizes
\$1,500 in Total Payouts!

Double your prize with **DOUBLE POWERBALL****

*Progressive within 50 calls, amount unless hit before 2/16/26. **Except on Progressive.

BINGO Games and Prizes

Game 1	Letter X	\$100
Game 2	Large Diamonds	\$100
Game 3	Lucky 7	\$100
Game 4	Letter H	\$100
30 Minute Break / Pick 5 Winners		
Game 5	+ or Cross	\$200
Game 6	Postage Stamps	\$200
Game 7	Letter T	\$200
Game 8	Full Card	\$500

Alhambra
CASINO AND SHOPS

Open daily 10am to 3am | J.E. Irausquin Blvd #47 | 288.9000 | casinoalhambra.com

Play Responsibly. Visit www.gamblersanonymous.org if you or someone you know has a gambling problem.

Coredornan top di Etiopia por establece un record nobo den Marathon di Rotterdam

(NLTimes)—Tres atleta top di Etiopia a ser confirma pa e Marathon di Rotterdam diadomingo, 12 di april, y organisadonan ta spera cu nan lo desafia e dos biaha ganador Belga, Bashir Abdi. “Un record di e trayecto ta den alcance,” director di careda Marc Corstjens ta bisa. Abdi, ken tin e record actual di 2:03:36, ya tabata confirma como participante.

Birhanu Legese ta ser considera esun mas rapido riba papel, despues cu el a core un tempo di 2:02:48 den e Marathon di Berlin di 2019. Haymanot Alew (2:03:31) y Guye Idemo Adola (2:03:46) tambe tabatin tempo personal competitivo.

Abdi a gana e Marathon di Rotterdam tanto na 2021 como a 2023. Su final di 2:03:36 tambe ta keda para



como e record Europeo.

“Nos a arma un campo excelente y bon compacto cu nombenan top,” manager deportivo Michel Butter a bisa. “E competencia ta fuerte tanto pa homber como pa muhernan. Mi ta spera un careda emocionante unda e lidernan ta keda cerca y entrega temponan excelente.”

Coredor Keniano Jackline Cherono, e campeon defensor pa muhernan, ta prepa-

rando pa core atrobe e aña aki. Den e Marathon di aña pasa, el a keda adelanta di e record den e trayecto di Etiopie Tiki Gelana (2:18:58) na 2012 pa casi henter e careda, pero el a baha den e ultimo kilometernan.

Shitaye Eshete di Bahrain tambe a ser agrega na e campo di muhernan, cu e tempo mas rapido di 2:20:32. Despues di dje ta sigui Etiopie Meskerem Asefa (2:20:36) y Eritreo Dolshi Tesfu (2:20:40).

Maderova ta gana slalom gigante paralel den Olimpiada



(AFP)—Snowboarder Checo Zuzana Maderova a gana oro den slalom gigante paralelo pa muhernan durante e Olimpiada diadomingo, despues di un salida sorpresivo di campeon defensor Ester Ledecka.

Maderova, ken tin 22 aña, a logra un victoria comodo riba Sabine Payer, esun cu a elimina Ledecka, ganando cu un bentaha di 0.83 segundo.

Lucia Dalmasso di Italia a keda cu e medaya di brons.

Maderova tabata rapido den su control di e final na Livigno, y Payer di Austria a keda desordena den e seccion central di e trayecto, sin por a recupera tereno.

Ledecka a sali for di competencia den e cuartofinal, mientras cu e tabata persigui loke lo mester a bira un record di tres medaya di oro Olimpico consecutivo den snowboarding.

E strea Checo y otro atletanan ta lobby pa mantene slalom gigante paralelo den e pro-

grama Olimpico, unda e deporte, introduci na Salt Lake City na 2002, ta enfrentando un futuro incierto.

Den categoria di hende homber, snowboarder Austriaco Benjamin Karl a defende su titulo Olimpico den slalom gigante paralelo diadomingo, ganando den un manera emocionante contra Kim Sang-kyum di Sur Korea.

Karl, ken a competi den loke tabata anticipa di ta su ultimo Weganan Olimpico, tabata atrasa pa gran parti di e final na Livigno, pero el a crusa e linea 0.19 segundo dilanti di su rival.

Tervel Zamfirov di Bulgaria a keda cu e medaya di brons.

Karl, ken tin 40 aña, a celebra su victoria kitando su camisa, a dal un grito y despues a cay cara abao den sneeuw.

E tin un medaya di plata Olimpico for di Vancouver 2010, un di brons for di Sochi 2014, y el a gana oro na e Olimpiada di Beijing cu a tuma lugar cuater aña pasa.

M A R E A

A taste of love

FEBRUARY 14, 2026 | 5:30PM

JOIA
BY IBEROSTAR

3-COURSE DINNER | \$220 PER COUPLE
(includes a bottle of wine)

RESERVATIONS THROUGH OPENTABLE.COM

JOIA ARUBA OFFERS A SEAMLESS, FULLY
CASHLESS EXPERIENCE.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organizacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e normanan di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Eric Ras

Bon Comun

Ora bo pone Bon Comun banda di Agenda 2030, bo ta drenta den e debate moderno di con e mundo mester keda goberna pa sobrevivi.

Akinan nos ta mira e conex-
ion entre e filosofia antiguo y
e politica global actual.

1. Relacion entre Bon Co-
mun y Agenda 2030
E “Bon Comun” ta e
fundeshi filosofico, mientras
e “Agenda 2030” (cu su 17
Obhetivonan di Desaroyo
Sostenibel - SDG) ta e plan
di accion.

Kico ta e proposito den e
contexto aki?
E proposito di Agenda 2030
ta pa defini e “Bon Comun”
pa e siglo 21. E ta argumenta
cu den un mundo globalisa,
e bienestar di un persona na
Aruba ta conecta cu e bien-
estar di un persona na e otro
banda di mundo.

Su meta ta:

- Eradica pobresa: Pa-
sobra e Bon Comun no por
existi si tin hende cu hamber.
- Sostenibilidad: Pro-
tege e planeta pa e Bon Co-

mun di e generacionnan cu ta
bini (e yiunan di nos yiunan).

- Husticia y Paz: For-
talece institucionnan pa tur
hende haya e mesun opor-
tunidad.

2. For di unda Agenda 2030 a
cuminsa?
E no a sali for di nada; e ta
e resultado di un evolucion
largo den e Nacionnan Uni
(UN):

Aña 1945: Creacion di UN
despues di Segundo Guerra
Mundial pa mantene paz (un
bon comun global).

Aña 1987 (Informe Brundt-
land): Akinan a nace e con-
cepto di “Desaroyo Sosteni-
bel”, bisando cu nos mester
usa recurso sin daña futuro.

Aña 2000 (Millennium
Goals): E prome intento serio
pa pone metanan concreto pa
combati pobresa.

September 2015: Tur 193 es-
tado miembro di UN a apro-
ba Agenda 2030. Nan a bay di
acuerdo cu e “Bon Comun”
moderno mester inclui un
bida digno pa tur hende riba
un planeta salud.



3. Comparacion: Tradicional
vs. Agenda 2030 Caracteris-
tica Bon Comun (Aristóteles/
Aquino) Bon Comun (Agen-
da 2030)
Enfoke Local (ciudad of pais).
Global (henter e planeta).
Responsabel E ciudadano y
e gobernante local. Gobier-
nonan, empresanan y ciu-
dadanonan.
Meta Biba un bida virtuoso y
husto. Sobrevivencia di e pla-

neta y fin di desigualdad.

Un punto di bista critico
(Candor)
Maske e intencion di e Agen-
da 2030 ta e “Bon Comun”,
tin hopi debate riba dje:
• Soberania: Tin hende
ta teme cu e “Bon Comun
global” aki ta duna organi-
sacionnan internacional de-
masiado poder riba e leynan
di un pais individual.

- Implementacion:
Hopi ta puntra si e metanan
aki ta realistico of si nan ta
djis un bunita discurso po-
litico mientras e realidad den
barionan pover no ta cambia.
- Resumen: Agenda
2030 ta purba “modernisa”
e concepto di Bon Comun,
hibando e for di un idea den
buki di filosofia pa un lista di
“To-Do” pa henter e planeta.

Skirbi pa Eric Ras

Un paraiso pa stranhero, un prison pa e local?

**Luna di maart ta haci un
aña cu e gobierno actual
a asumi mando, y e balan-
sa ta tristo. E aña aki nos
mester puntra nos mes
seriamente si nos mester
celebra 40 aña di Status
Aparte. Un Status Aparte
cu, lamentablemente, a
wordo masacra pa gobi-
ernonan tanto di MEP
como di AVP a traves di
decadanan.**

Loke nos ta mira awe ta un
politica di “sensacion”: pro-
paganda di recoge sushi y
fiesta den Caya Grandi pa
desvia atencion for di e reali-
dad cu ta asfixia nos pueblo.
Durante campananan a grita
corupcion, pero awe, un aña
despues: Unda e investiga-
cionnan ta? Unda e audit-
nan a keda? Kico a pasa cu e
175 miyon dollar di CITGO
y con a para cu e contract di
Eagle LNG? Ta parce cu e

promesa di integridad tabata
simplemente un sisheria pa
gana voto.
E realidad financiero ta keda
uno preocupante: un debe
di 920 miyon di COVID cu
ta colga riba nos cabes, y un
BBO na frontera cu ta caban-
do cu e cartera di e ciudada-
no. E clase media ta desapare-
ciendo cu pasonan grandi, y e
asina yama “Bon Comun” ta
parce mas un plan socialista
pa mantene e pueblo pover
y dependiente di gobierno.
Un pueblo dependiente ta un
pueblo sin voz.
Locual ta mas doloroso ta
con Aruba ta perdiendo su
soberania den su mesun cas.
E refinaria, cu tin su curason
intacto, no ta mira luz di dia
pasobra interes di inversioni-
stanan stranhero tin mas peso
cu bienestar di Aruba. Esnan
cu a cumpra condo na Rogers
Beach y Nanki no kier indu-
stria banda di nan cas, y gobi-

erno ta parce di ta na ordo di
inversionista enbes di busca
un di dos pilar economico pa
nos no depende solamente di
turismo. Nos NO MESTER
LUBIDA 2020.
Esaki tin consecuencianan
grave:
• Salud Mental: Nos
no tin luga mas pa recrea.
Stranhero a apodera di nos
beachnan y nos terenonan.
Ora e local no tin caminda di
bay pa desconecta, e depre-
sion den nos comunidad ta
aumenta.
• Vivienda: Prijs pa
construi of cumpra cas ta im-
pagabel. Nos yiunan no por
traha un futuro aki mas.
• Economia: Gobierno
ta gaba di prosperidad, pero e
placa ta drenta y sali bay afo
mesora. Pueblo ta biba di e
migahanan cu ta sobra.
Ta ora pa nos stop di wordo
gaña door di bunita palabran-
an. Energia berde? Te cu awor

e unico cos cu a “florece” ta e
ganashi di e inversionistanan,
pasobra e ciudadano comun
no ta mira esaki refleha den
su recibo di tur luna. Nos
mester un gobierno cu tin e

curashi di pone e Arubiano
prome y cu no ta laga stra-
nhero dicta kico ta pasa den
nos mesun cas. Si nos no lan-
ta awe, mañan nos lo ta stra-
nhero riba nos mesun tera.



Atlas di Boston Dynamics ta drenta produccion industrial y laga e fase experimental atras

(Infobae) – Boston Dynamics a conclui e fase di desaroyo di su robot humanoide Atlas, anunciando su inicio di produccion despues di validacion definitivo den setting di investigacion. E presentacion oficial a tuma lugar na CES 2026, unda e compania a confirma e despliegue industrial inminente den colaboracion cu Hyundai Motor Group y Google DeepMind.

E adelanto aki ta posiciona Atlas como un plataforma real pa automatizacion industrial y trabao hunto cu humano, lagando atras su etapa di prototipo y experimentacion, segun detaya door di Boston Dynamics na su website y Xataka.

Culminacion di Atlas

Atlas a cuminsa su trayectoria como un robot hidraulico enfoca riba investigacion y experimentacion. Den 2024, Boston Dynamics a finalisa oficialmente e etapa ey pa concentra riba un diseño completamente electrico, alinea cu demanda real di produccion y cu facilidad di uso y mantenimiento diario den companianan grandi, segun Xataka.

E presentacion na CES 2026 a marca e transicion di Atlas di demostracionnan tecnico pa su consideracion como un producto industrial completo. Boston Dynamics a resalta su enfoca riba confiabilidad, servicio den campo y bida util largo. Robert Playter, director ehecutivo di e compania, a indica cu e obhetivo di e cambio aki ta satisface e necesidadnan di automatizacion y convivencia entre humano y robot den entorno di fabrica.

Despues di su validacion den investigacion, e compania ta plania desplega Atlas den planta di auto di Hyundai y den Robotic Metaplant Application Center (RMAC). Un conexion di ruta conhuntito ta apunta riba e posibilidad di alcanza te 30,000 componente anual, aunke e plannan aki ta coresponde cu e strategia general di expansion di e grupo, segun Xataka.

Atlas ta diferente di propuesta manera Tesla door di ofrece un plataforma cu ya no ta solamente experimental, sino efectivamente implementa den linea di produccion, cu



un ciclo di trabao efectivo y cu e capacidad di ser fabrica y repara den manera sistematico.

Caracteristicanan tecnico y operacional di e Atlas nobo

E Atlas nobo ta incorpora tecnologia avansa pa enfrenta area industrial compleho. Segun informacion di Boston Dynamics y Xataka, e por lanta te 50 kilogram y opera autonomamente durante turno standard di te 4 ora. Ora e bateria ta caba, e robot mes ta haci e cambio sin yudansa externo y ta tuma back su trabao den menos cu 3 minuut usando canal electrico convencional di 110 of 220 volt.

E diseño ta provee 56 grado di libertad di articulacion y un alcance di 2.3 meter, permitiendole e realiza tarea cu ta rekeri precision, agilidad y colaboracion den maneho di carga. E estructura ta resista awa y temperatura entre -20 °C y 40 °C, asina cu e por opera tanto den interior como exterior y adapta na condicionnan exigente.

Den materia di siguridad y convivencia, Atlas ta integra sensor pa detecta presencia di persona y sistema cu ta elimina e necesidad di instala barera fisico. E enfoca aki ta facilita colaboracion den fabrica inteligente comparti cu trahadornan humano y otro sistema automatiza.

Ademas, e robot por comparti instantaneamente loke e a siña di tarea nobo cu henter su flota, acelerando adaptacion y implementacion di cambionan of proceso den diferente ubicacion di produccion. E funcionalidad aki

ta permiti optimisa tempo di cuminsamento di operacion y ta reforsa adaptabilidad di e sistema, segun Boston Dynamics.

Integracion industrial y despliegue inicial

E despliegue inicial di e robot lo ser realiza principalmente den planta di auto y den Robotics Metaplant Application Center (RMAC) di Hyundai, promoviendo su integracion den cadena di suministro y operacionnan di fabricacion, segun detaya Xataka.

Boston Dynamics ta enfatisa cu e plataforma ta respondi na e requisito clave di sector di auto y, en particular, na e necesidadnan di ensamble y mantenimiento expresa door di Hyundai como prome cliente industrial y socio mayoritario.

Atlas ta integra cu e manufacturing execution system (MES) y e warehouse management system (WMS) via software propio Orbit, cu ta permiti supervision y control centralisa di flota completo di robot for di un solo 'interface'.

E sistema por opera den modo autonomo, cumpliendo tarea independientemente, of den modo supervisa via control remoto of tablet, asina adaptando na fluho di trabao multifuncional den industria.


E adaptacion di Atlas na entorno industrial no ta limita solamente na ehecutacion di tarea fisico. E ta diseña pa integra cu fluho digital di informacion y gestion cu ta estructura produccion moderno, facilitando tanto maneho di material como apoyo logistico, y sigurando colaboracion

efectivo cu personal humano.

Colaboracion strategico den inteligencia artificial

Boston Dynamics y e Robotics & AI Institute (RAI Institute) a anuncia den februari 2025 un aliansa pa fortalece e desaroyo di e Atlas nobo a traves di siñamento automatico reforsa. Segun dato oficial, e iniciativa ta apunta pa cu e robot adkiri comportamentonan avansa di movilidad y manipulacion, basa riba combinacion di simulacion y prueba riba hardware real.

Robert Playter, director ejecutivo di Boston Dynamics, a subraya cu e utilidad di robot humanoide lo depende di nan flexibilidad pa ehecuta tarea den area y aplicacion diverso. Pa su parti, Marc Raibert, director ehecutivo di e RAI Institute, a resalta: "Traha riba Atlas cu Boston Dynamics lo permiti nos logra adelantonan den siñamento automatico reforsa riba, posiblemente, e robot humanoide mas sofisticada cu tin na momento".



Segun Boston Dynamics, e colaboracion cu Google DeepMind ta enfoca riba duna Atlas capacidad cognitivo avansa a traves di integracion di modelo di inteligencia artificial desaroya pa division di Google.

E strategia aki ta busca accelera e siñamento y adaptabilidad di Atlas den escenario di produccion compleho, permitiendole a asumi rol nobo y solucionar problema sin rutina predefini.

Perspectiva futuro y relevancia social

Atlas ta posiciona como referencia den robotica industrial avansa, cu potencial pa transforma proceso di produccion y e manera cu humano y mashin ta interactua den fabrica inteligente. Su diseño ta permiti aborda tanto tarea repetitivo como operacion cu ta rekeri decision inmediato, habriendo su aplicacion pa area manera logistica, maneho di material peligroso of cuidando asisti.

Boston Dynamics ta resalta cu e proposito di Atlas ta acerca robotica na bida diario, facilitando tarea y promoviendo productividad den sectornan varia. Gracias na su capacidadnan y e actualisacionnan regular plania pa e compania y su partnernan, ta spera cu su aplicacionnan lo amplia mas ainda den e añanan binidero.

E consolidacion di Atlas ta representa un paradigma nobo pa industria, proporcionando un herment intuitivo y versatil cu ta redefini e standard di colaboracion humano-robot y ta anticipa un revolucion den e manera cu planta di produccion ta opera.

Alarma pa turista cu a bay trip banda di hotel pero a no a yega back



Diabierna madruga a drenta informe di cu un turista blond bisti cu shimis blanco cu oro a sali pa bay area hotel pero no a regresa.

Polisnan a bay rondia den e area tanto na lugarnan noc-

turno como na beach pero no a logra haya e turista. Despues di basta rato un s.u.v. color shinishi a presenta na e hospedahe di e turista y a bah'e eynan. Djey e famia a yama polis back bisando cu aki tabata trata di un confusion y cu e turista a regresa.

Turista di crucero cu problema di respiracion dilanti waf




Diabierna mainta a drenta informe di cu tin un turista crucero na waf si Oranjestad, mesora a dirigi tanto polis como ambulance na e sitio.

Na yegada di e patruya a bin compronde cu e turista no tabata sinti su mes bon y a compana e polisnan den e ambulance y cu pa tur seguridad a hib'e hospital.

Diabierna mainta a drenta informe di un accidente cu hende herida dilanti NAPA na Santa Cruz, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Nissan no a regula su velocidad ni a mantene distancia y a bay dal fuertemente tras di un MG. Debi na e fuerte impacto e chauffeur di e MG tabata keha di dolor. Na yegada di e ambulance nan a atende e chauffeur pa e dolor cu el a ricibi.




Chauffeur a bay dal tras di auto na Santa Cruz



Chauffeur bao influencia a bay banda robes di caminda, dal semi frontal cu trafico contrario


Diasabra mey anochi a drenta informe di un accidente cu hende herida na Barcadera, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur bao influencia di un Nissan Versa a bay banda robes di caminda y a bay dal riba un Mazda Atenza di direccion contrario. Debi na e impacto e chauffeur di e Versa a resulta levemente herida. Na yegada di e ambulance nan a atende e chauffeur na



e sitio mes. Como cu e tabata bao influencia polis a deten'e y tambe tabatin un mucha den su auto como cu e chauffeur ta separa for di su casa

y e tin e mucha cu weekend comparti. A yama e mama pa bin busca e mucha cu tabata yorando.



2 patruya di polis mester a bay asisti personal di ambulance na Soledad

Diasabra anochi a drenta informe di cu un persona di 58 aña cu no ta halando rosea na un adres na Soledad, mesora a dirigi dos ambulance na e sitio.

gada di e ambulance nan ta-bata atendiendo e pashent y e famia a lanta contra e paramedico. Na yegada di e patruya nan a intermedia ya cu e familiar tabata kier pa ambulance bay cu e pashent cu pura pa hospital. Pero e protocol ta cu e paramedico mester stabilisa e pashent prome y como e pashent ta stabiel no mester hib'e hospital cu urgencia.



Hoben turista a bebe di mas te bira inconsciente

Diabierna anochi a drenta informe di un hoben turista entoxica cu alcohol na Embassy Suites, mesora a dirigi tanto polis como ambulance na e sitio.

Na yegada di e patruya a bin encontra cu un turista di apenas 20 aña entoxica cu demasiado alcohol te cu e ta inconsciente. Na yegada di e ambulance nan a atende e turista y a transport'e pa hospital.




Na Piedra Plat un chauffeur a dal motociclista y a core bay



Toyota Vitz a pega na candela despues di un accidente frontal cu Suzuki Jimny

Diasabra mainta a drenta informe di un accidente cu hende herida dilanti Savaneta Kamp, mesora a dirigi tanto polis, ambulance y bombero na e sitio.

Na yegada di e patruya a bin compronde cu aki ta trata di un accidente frontal entre un Vitz y un Suzuki Jimny unda despues di a impacta e Vitz a pega na candela. Na yegada di e ambulance nan a atende 3 persona cu a resulta herida. Na yegada di e bombero mesora a controla y paga e candela.



Diasabra madruga a drenta informe di un accidente cu hende herida na Piedra Plat, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente hit & run unda

un chauffeur a dal un motociclista y sigui core bay lagando e motociclista herida atras. Na yegada di e ambulance nan a atende e motociclista y a transport'e pa hospital. E motociclista tabata falta apenas algun meter pa yega su cas. Polis ta en busca di e chauffeur aki.

CEO di Washington Post ta retira despues di recortenan masivo di personal

(AFP)—Washington Post a anuncia diasabra cu su CEO y editor, Will Lewis, ta retirando for di su cargo cu efecto inmediato, apenas algun dia despues cu e corant renombra, cual ta propiedad di fundador di Amazon y biyonario Jeff Bezos, a implementa recortenan masivo di personal cu a frustra lector y e empleadonan mes.

Aunke corantnan den henter Merica ta enfrentando presion fuerte den e industria, mancho di Lewis di e medio a ser fuertemente critica pa suscriptor y empleadonan durante su mandato di dos aña, mientras cu e tabata purba anula perdidanan financiero di e corant.

Lewis, ken ta Ingles, a ser remplasa pa Jeff D’Onofrio, un ex-CEO di plataforma di red social Tumblr, ken a drenta e Post como hefe financiero aña pasa, segun e corant a anuncia.

Den un email manda na per-



sonal y comparti riba red social pa un di e reporteronan di e corant, Lewis a bisa cu “ta e momento corecto pa mi tuma un paso atras”.

Un declaracion di e Post a bisa solamente cu D’Onofrio ta sucede Lewis “cu efecto inmediato”.

Centenares di periodista di Post—incluyendo gran parti di su personal internacional, local y deportivo—a ser re-

tira den e recortenan amplio anuncia diaranson.

E Post no a divulga e cantidad exacto di trabao cu a ser elimina, pero The New York Times a reporta cu aproximadamente 300 di e 800 periodista a ser despedi.

Henter e equipo di Medio Oriente di e corant a ser elimina, como tambe su coresponsal na Ucrania basa na Kyiv, mientras cu e guera cu

Rusia ta sigui.

E departamento di deporte, grafico y noticia local a ser reduci drasticamente y e podcast diario di e corant, Post Reports, a keda suspendi, segun medionan local.

Centenares di hende a reuni diaranson dilanti di e sede central di e corant den centro di Washington pa protesta.

Interferencia editorial

Corantnan den henter e pais a sufri un caida severo den entrada y suscripcion mientras cu nan ta competi cu red social pa atencion di lectornan, y mientras cu entrada di internet no ta iguala na e ganashi cu anuncionan publica tabata genera anteriormente.

Sinembargo, corantnan nacional manera The New York Times y The Wall Street Journal a logra sobrevivir e tormenta y sali financieramente fuerte—algo cu e Post, a pesar di tin un sosten biyonario, no a logra.

Den su nota na personal, comparti riba X pa hefe di oficina di Cas Blanco Matt Viser, Lewis a bisa cu “a tuma decisionnan dificil” durante su mandato “pa sigura un futuro sostenible di The Post, pa e por sigui publica noticia di calidad halto y no partidista pa hopi aña mas”.

Bezos, un di e personanan mas rico na mundo, a ser cita den e declaracion di e Post bisando cu e corant tin “un oportunidad extraordinario. Cada dia nos lector ta duna nos un mapa di caminda pa exito. Dato ta bisa nos kico ta valioso y unda nos mester enfoca”.

Tanto Bezos como Lewis a keda someti na critica pa interweni directamente den e proceso editorial di e corant.

Bezos a limita e pagina editorial cu tendencia liberal di e corant y a blokia un respaldo pa candidata presidencial Democratico Kamala Harris apenas algun dia prome cu e eleccion di 2024—kibrando loke ta conoci como e proteccion di independencia editorial.

Hopi hende a mira esaki como un gesto na Donald Trump, ken despues a gana e eleccion.


E decision aparentemente tabatin consecuencia financiero tambe: The Wall Street Journal a reporta cu 250.000 suscriptor digital a laga e Post despues cu e corant a nenga di respalda Harris, y cu e medio a perde mas o menos \$100 milyon den 2024 ora cu entrada di anuncio y suscripcion a baha.

Como presidente, Trump a eherce presion directo riba periodistanan, iniciando varios demanda contra organisacionnan di medio di comunicacion.

Criticonan ta preocupa cu un Washington Post debilita lo laga prensa di e pais cu menos capacidad pa tene gobi-erno responsable.

Marty Baron, ken tabata editor ehecutivo di e Post te 2021, a bisa cu e recortenan di trabao ta considera como “e dianan mas scur den historia di un di e organisacionnan noticiero mas grandi na mundo”.

Resultado Sorteo 7y 8 Februari2026																																							
Cadena Alexander Lottery ta presenta resultado di weganan di suerte																																							
<table><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>6139</td><td>7516</td><td>4075</td><td>7678</td></tr><tr><td>1169</td><td>3278</td><td>SUPER5</td><td>3978</td></tr><tr><td>5522</td><td>2102</td><td>-</td><td>8674</td></tr></table> <table><tr><th colspan="4">DIADOMINGO</th></tr><tr><th>DIARIO</th><th>KORSOU</th><th>SUPER4</th><th>FLAMINGO</th></tr><tr><td>8867</td><td>2107</td><td>0401</td><td>8212</td></tr><tr><td>1847</td><td>3875</td><td>SUPER5</td><td>0969</td></tr><tr><td>1509</td><td>6439</td><td>-</td><td>8187</td></tr></table>				DIARIO	KORSOU	SUPER4	FLAMINGO	6139	7516	4075	7678	1169	3278	SUPER5	3978	5522	2102	-	8674	DIADOMINGO				DIARIO	KORSOU	SUPER4	FLAMINGO	8867	2107	0401	8212	1847	3875	SUPER5	0969	1509	6439	-	8187
DIARIO	KORSOU	SUPER4	FLAMINGO																																				
6139	7516	4075	7678																																				
1169	3278	SUPER5	3978																																				
5522	2102	-	8674																																				
DIADOMINGO																																							
DIARIO	KORSOU	SUPER4	FLAMINGO																																				
8867	2107	0401	8212																																				
1847	3875	SUPER5	0969																																				
1509	6439	-	8187																																				
<table><tr><th>MERDIA</th><th>ANOCHI</th></tr><tr><td>  Sorteo # 4884 2370 5751 7330  fp  Sorteo # 4884 2816  x2  Sorteo # 2940 0677  Sorteo # 4884 4507 Tauro  Sorteo # 1758 747  fp  Sorteo # 8771 5864 6859 3128  X2  Sorteo # 7815 9931  X2  Sorteo # 2520 8362  Sorteo # 6574 1236 Leo  Sorteo # 1504 395  x3 </td></tr></table>  Sorteo # 2669 0 x Jackpot 0 x Match 4+ 1 x Match 4 115 x Afl. 12,00 Joker 2 Letter i Proximo Jackpot 160.000,-  Sorteo # 7090 1 x Jackpot 5 x Match 4 165 x Afl. 8,00 01-06-07-13-25 Proximo Jackpot 50.000,-  Sorteo # 1842 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 875.000,-  Afl. 1.325.000,-  Sorteo #   Sorteo # 4885 9847 4266 3669  X2  Sorteo # 4885 7799  FP  Sorteo # 2941 7147  Sorteo # 4885 2806 Sagitario  Sorteo # 1759 969  FP  Sorteo # 0 x Jackpot 0 x Match 4+ 0 x Match 4 0 x Afl. 12,00 Joker Letter Proximo Jackpot 160.000,-  Sorteo # 7091 0 x Jackpot 1 x Match 4 113 x Afl. 8,00 02-03-04-15-25 Proximo Jackpot 51.000,-  Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 Mega Ball Proximo Jackpot 850.000,-  Afl. 1.325.000,-  Sorteo # 				MERDIA	ANOCHI	 Sorteo # 4884 2370 5751 7330  fp  Sorteo # 4884 2816  x2  Sorteo # 2940 0677  Sorteo # 4884 4507 Tauro  Sorteo # 1758 747  fp  Sorteo # 8771 5864 6859 3128  X2  Sorteo # 7815 9931  X2  Sorteo # 2520 8362  Sorteo # 6574 1236 Leo  Sorteo # 1504 395  x3																																	
MERDIA	ANOCHI																																						
 Sorteo # 4884 2370 5751 7330  fp  Sorteo # 4884 2816  x2  Sorteo # 2940 0677  Sorteo # 4884 4507 Tauro  Sorteo # 1758 747  fp  Sorteo # 8771 5864 6859 3128  X2  Sorteo # 7815 9931  X2  Sorteo # 2520 8362  Sorteo # 6574 1236 Leo  Sorteo # 1504 395  x3																																							



Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

Fundacion Contra
Violencia Relacional
Tel: 583-5400

Fundacion Autismo
Aruba

Irenestraat 21 Aruba
297-588-1179

Fundacion Pa Nos
Muchanan

Cumana 2 Aruba
297-583-4247

Fundacion Tel Pa
Hubentud

Wilhelminastraat 19
Aruba
297-588-6138

Koningin Wilhelmina
Fonds

Spinozastraat 9 Aruba
297-582-0412

Mary Joan Foundation
Sabana Blanco 8 Aruba
297-588-9999

Rode Kruis Aruba

Pedro Gallegostraat 14
Tel.297-582-2219
Fax 588-3376

Famia Planea (SBVO)

Avenida Milio J Croes 17
B Aruba
297-588-9591
www.famiaplanea.org
famiaplanea@hotmail.com

Stichting Fundacion
Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad San Nicolas
Hospital Imsan
7:00 pm / 10:00 pm 24 ora

Botica na warda

Oranjestad: San Nicolas:
Sta. Cruz : Centro Medico:
Tel. 585 8028 Tel. 584 5794

EMERGENCIA 911

POLIS

Oranjestad	100
San Nicolas	104
Santa Cruz	105
Noord	107
Tip Line	11141
Brandweer	115
Ambulance	911
Hospital	527-4000
Imsan	524-8833
Warda Costa	913
Seguridad Nacional	11911
Cruz Cora	582-2219

BOTICA

Aloe	584-4606
4 Centro Medico	584-5794
Central	585-1965
Dakota	588-7364
Del Pueblo	582-1253
Eagle	587-9011
Kibrahacha	583-4908
Maria	585-8145
Di Servicio Noord	586-4606
Oduber	582-1780
Paradera	588-6638
San Lucas	584-5119
Santa Anna	586-8181
Santa Cruz	585-8028
Sero Preto	584-4833
Trupial	583-8560

UTILIDAD

Setar	117
Web	525-4600
Elmar	523-7147

FUNERARIA

Aurora	588-6699
Royal Funeral H.	586-4444
Ad Patres	584-2299
Olive Tree	584-8888

Aruba Transfer Tour &
Taxi C.A.
Tel: 582 2116 /582 2010

Taxi Adres Services (24h)
Tel. 587 5900

A1 Taxi Services Aruba
Tel: 587-8850
Tel: 280-2828
Whatsapp: 592-7024

Libanon sorprendi despues cu Kuwait a inclui hospital riba lista di “terror”



(AFP)—Ministerio di
Salud di Libanon a expresa su sorpresa y a bisa cu lo
busca aclaracion despues
cu Kuwait a pone varios
hospital priva den e pais
Mediterraneo riba su lista
di “terror” diadomingo.

Ministerio di Asuntonan Ex-
terior di Kuwait a emiti un
declaracion indicando cu el a
incluir e ocho hospital como
parti di regulacionnan rela-
ciona cu e “combate contra
terrorismo”.

E facilidadnan ta localisa den
y ta sirbi residentenan di zuid
y oost di Libanon y suburbio-
nan zuid di Beirut—tur di
nan bastionnan di e grupo
militante apoya pa Iran, He-
zbollah, cual e declaracion di
Kuwait no a menciona.

Ministerio di Salud di Liba-
non a bisa cu el a ricibi e de-
claracion di Kuwait “cu gran
sorpresa”, agregando cu no a
proveye “ningun informacion
ni notificacion di ningun
entidad di Kuwait tocante e
asunto aki”.

“E hospitalnan menciona
den e declaracion ta registra
cu sindicatonan di hospital
priva di Libanon y ta cumpli
cu nan rol den provee trata-
mento y servicio di salud na
tur Libanes sin excepcion,” e
declaracion di e ministerio a
bisa.

El a yama e facilidadnan “un
parti esencial di e sistema di
salud di Libanon” y a bisa cu
lo tuma contacto cu e auto-
ridadnan relevante pa pidi
aclaracion y pa “presenta e
hechonan corecto” y “prote-
ge e sistema di salud di Liba-
non”.

El a nota cu “Kuwait tin
varios proyecto hunto cu e
ministerio...y a keda entre
e paisnan mas prominente
cu a para banda di e sistema
di salud durante e crisisnan
consecutivo cu Libanon a
enfrenta”.

E ocho hospitalnan ta inclui
dos den suburbionan zuid
di Beirut, un area cu Israel a
bombardia fuertemente du-
rante hostilidadnan cu He-
zbollah cu den gran parti a
termina cu un alto-al-fuego
na november 2024.

Tambe a inclui e hospital
Salah Ghandour den Bint
Jbeil den zuid di Libanon, cu
ta ser maneha pa e Comité di
Salud Islamico, un entidad
afilia cu Hezbollah.

Terenonan di e hospital a
ser ataca den 2024 durante e
hostilidadnan entre Israel y
Hezbollah.

Mas tempran den luna, e
ministerio a condena loke el a
yama menasanen contra hos-
pitalnan di Libanon despues
di reportahenan cu e ehército
di Israel a laga foyetonan cu
advertencia cu operadornan
di Hezbollah tabata usando
un hospital na Bint Jbeil.

Pronostico di tempo



Tempo:

Awe tardi y awe nochi:
parcialmente nubla y
generalmente seco
Den marduga y mañan:
parcialmente nubla cu algun
awasero breve

Temperatura maximo 32
grado celsius
Temperatura minimo 25
grado celsius
Indice di calor (heat index)
den y rond di oranan di
merdia: 33 pa 37 grado celsius
UV index: 9

Bahada di solo : 6:44 pm
Subida di solo : 7:04 am

Biento:

Moderata for di direccionnan
entre oost-noordoost y oost-
zuidoost;
Forsa 3 te 4 (12 te 30 km/ora,
7 te 16 nudo).
Durante di dia basta fuerte te
posiblemente
Fuerte den rafaga; forsa 5 te
6 (31 te 50 km/ora, 17 te 27
nudo)

Situacion general di tempo
pa proximo 24 ora:

Un aumento leve di humedad
den region debi na sobranan
di un frente friu, lo por induci
un awasero breve durante
e periodo di pronostico aki.
Mas aleu por bisa cu e frente
friu aki a trece labaderanan
for di noordwest te noord y
ta haciendo lama na cierto
partinan poco bruto.

Condicionnan maritimo/
estado di lama:

Na partinan protegi di costa:
Keto cu olanan rond di 1 pia.
Na partinan zuid protegi:
trankil, 1 te 2 pia.
Na partinan zuid no protegi:
modera cu olanan di 2 te 3 pia,
localmente e por yega 4 pia.
Na partinan oost te noordwest
di costa: Generalmente
modera cu olanan alrededor
di 3 pa 5 pia.

Aviso/alerta:

Un aviso pa lama poco bruto
ta na vigor. Operadornan
di boto chikito mester
bay cu cautela na partinan
oost te noordwest di costa.
Tambe usuarionan di lama
y landadornan mester bay
cu hopi cautela na partinan
di costa expone (no protegi)
na zuid te zuidwest y tambe
noordwest.

TA BUSCA

un Welder Fabricante

Contac 563 5002

220097

Aurora

Royal Pray

Funeral Home & Crematory

Mira con Dios a salba mi,
Tur mi confiansa ta den djE,
Mi n' tin miedo:
Señor Dios ta mi forsa, mi
refugio.
E mes t'Esun cu a salba mi.
Isaías 12:2



Cu dolor na nos curason, nos
ta anuncia fayecimento di nos
ser stima:

Carmen Mercedes Irausquin
Cariñosamente yama “Chicher of Dudu”
*24-09-1945 - †06-02-2026

Mayornan:

† Vicente Irausquin y † Francisca Irausquin-Irausquin

Na number di su:

Yiunan:

Roberto Ridderstaat
Carmen Ridderstaat y Randy Ridderstap

Tata di su yiunan: †Rafael Ridderstaat

Nieto y nietanan:

Eugene Trimon y Lilien Ponson
Jeremy Trimon y Marlyn Dubero
Lyon Trimon y Liz Castellano
Junaila Trimon y Anthony Jr. Tjinkonfat

Bisanieto(a)nan:

Lainey-ann Trimon
Jayron Trimon
Ian & Lyanne Trimon
Anthony A-Jay Tjinkonfat

Rumanan:

†Antonio & †Martha Irausquin-Maduro
George & Dora Irausquin-Maduro
Josefita & †Juan Zavala Aldama na Venezuela

Subrino y Subrinanan:

Francisca & Robert Figaroa & yiunan
Jose & Silvia Irausquin & yiunan
Gladys & Victor Wever & yiunan
Alexis Zavala & Karina Balbuena & yiunan na Venezuela
Carmen & Cirilo Gomez & famia na Venezuela
Magaly Zavala na Venezuela
Jose Luis & Yasmira Zavala & famia na Venezuela
Juan Francisco & Noiris Zavala & yiunan na Venezuela
Carlos Alberto & Paula Zavala & famia na Venezuela
Mirtha Zavala
Ingrid & Jairo Martinez & famia na Venezuela

Iha: Marina Maduro

Amiga/ruman: Aura Maduro

Rumanan di Salon di Reino

Ayudante: Marcelene, Yacandy

Primo y primanan

Demas famia: Irausquin, Ridderstaat, Trimon, Ponson,
Dubero, Castellano, Tjinkonfat, Figaroa, Zavala,
Hidalgo, Almazo, Wever, Oduber, Aldama, Zea, Gomez,
Maduro, Balbuena, Macho, Diaz, Martinez, Marin,
Loopstok, Dania, Tromp, Leest, Rasmijn, Boezem,
Martinus, Pas, Kelly, Martina, Kock, Frias, Dell,
Christiaans, Farro, Albertsz, Leonard.

Nos disculpa si nos a lubida algun famia den nos
tristeza.

Ta invita pa acto di entierro cual lo tuma lugar
diamars 10 di februari 2026 di 9or pa 11or di mainta na
Aurora Funeral Home, despues lo sali pa Santana central
Sabana Basora.

Nos ta lamenta cu despues di entierro nos no por ricibi
bishita di condolencia na cas.

Oficina di Dalai Lama ta bisa cu e lider spiritual nunca a cera conoci cu Epstein



(AFP)—Oficina di Dalai Lama a bisa diadomingo cu e nunca a cera conoci cu e delincuente sexual condena Jeffrey Epstein, despues cu medionan Chines a reporta cu e nomber di e lider Budista Tibetano a ser menciona den un lote di archivonan publica pa gobierno di Merca.

E Departamento di Husticia di Merca a publica luna pasa e ultimo tanda di e archivonan di Epstein—mas di tres miyon documento, potret y video relaciona cu e investigacion riba e financier condena.

Un buskeda di AFP den e archivonan a revela cu e nomber di Dalai Lama a ser menciona mas di 150 biaha, sin ningun mencion cu el a cera conoci of a interactua cu Epstein. E mencion di un persona su nomber den e archivonan di Epstein no ta implica automaticamente ningun mal conducta di su parti.

“Algun reportahenan reciente den medio y publicacionnan riba red social tocante e ‘archivonan di Epstein’ ta purba conecta Su Santidad e Dalai Lama cu Jeffrey Epstein,” e oficina di e lider a bisa den un declaracion publica riba X.

“Nos por confirma sin ningun duda cu Su Santidad nunca a cera conoci cu Jeffrey Epstein ni a autorisa ningun encuentro of interaccion cune di parti ningun hende den su nomber,” e declaracion a agrega.

Riba diahuebs, e cadena estatal Chines China Global Television Network (CGTN) a reporta cu e ‘Dalai Lama’ a aparece por lo menos 169 biaha den e archivonan di Epstein y a menciona un email unda un remitente desconoci a bisa Epstein cu e tabata considerando bay na un evento cu e Dalai Lama lo asisti.

E ganador di Premio Nobel di Paz cu tin 90 aña a huy for di e capital Tibetano Lhasa ora cu e tabatin 23 aña, pa salba su bida despues cu tropanan

Chines a aplasta un rebeldia na 1959, despues di e anexacion di Tibet na 1951.

Awor e ta bibando den exilio den ciudad Indio di Dharamsala, noord di India, y ta liderando un campaña pa mas autonomia pa Tibetanonan, loke China a condena, yamando e lider spiritual un rebelde y separatista.

Un otro buskeda den e archivonan di Epstein, cual a ser publica pa e Departamento di Husticia di Merca y obteni pa AFP, a produci 154 resultado tocante e Dalai Lama.

AFP no a identifica ningun mencion of sugerencia di un encuentro entre e Dalai Lama y Epstein.

E email menciona pa CGTN y revisa pa AFP a ser manda pa un persona di ken su nomber tabata tapa, unda e remitente a skirbi na Epstein: “Tocante e evento cu mi a conta bo casi un luna pasa riba e isla, cu e Dalai Lama ta bin y mi kier bay pa mir’e. Pero mi por salta e evento aki si bo mester di mi ayudo awe.”

Den un siguiente email, e mesun persona a skirbi: “...ta bayendo awor pa e evento cu e Dalai Lama.”

Den ningun di e emailnan tin mencion cu e persona realmente a encontra of a mira e Dalai Lama, cu durante añas a haci hopi apariencia publico rond mundo.

Epstein a ser condena na 2008 pa solicita un menor pa prostitucion. El a muri pa suicidio na 2019 mientras cu e tabata den prison enfrentando acusacionnan di trafico sexual.

Varios figura publico di alto perfil a keda implica den e ultimo publicacion di documento na Merca relaciona cu e financier, unda algun a renuncia di nan trabao, y ta enfrentando investigacion oficial y cuestionamento publico.

Casi 180 Palestino a sali di Gaza via crusada di Rafah desde cu el a habri back

(AFP)—Cerca di 180 Palestino a bandona e Franha di Gaza desde cu e crusada limita di Rafah cu Egipto a habri atrobe un siman pasa, segun oficialnan den e teritorio.

E crusada di Rafah, e unico salida pa Palestinonan cu no ta pasa via Israel, a habri atrobe pa movimiento riba 2 di februari, casi dos aña despues cu forsanan Israeli a tuma control di dje durante e guerra cu Hamas.

Entre dialuna y diahuebs, 135 hende a crusa pa Egipto for di Gaza via e crusada, mayormente pashentnan y nan acompañantenan, segun Ismail al-Thawabteh, hefe di e oficina di media maneha pa Hamas den e teritorio Palestino.

“Cifranan oficial riba e movimiento na e crusada di Rafah desde dialuna, 2 di februari 2026, te diahuebs, 5 di februari 2026, ta mostra un restricción severo riba biaha-mento,” Thawabteh a bisa.

El a agrega cu e crusada tambe tabata cera riba diabierna y

diasabra.

Sociedad di Cruz Cora Palestino a confirma cu 135 Palestino a sali via e crusada entre 2 y 5 di februari.

Riba diadomingo, 44 hende mas a sali di e franha di Gaza via e crusada pa Egipto, segun Mohammed Abu Salmiya, director di e hospital principal Al-Shifa den e teritorio, a bisa AFP.

Esakinan tabata inclui 19 pashent, mientras cu e resto tabata nan acompañantenan, el a agrega.

Un fuente na frontera di e banda Egipcio tambe a confirma e cifra di biaheronan cu a pasa via e crusada riba diadomingo. Esaki a trece e total pa 179 hende cu a drenta of a sali di e franha di Gaza.

“Mi yiu a keda herida durante e guerra y dokternan a pone un plachi di metal den su pia pa mas o menos un aña y mei,” Rajaa Abu al-Jadian a bisa AFP mientras cu e tabata preparando pa sali via e crusada diadomingo tempran.

“Nan a bisa nos cu mester



kit'e pa preveni mas daño.”

Movimiento riba e crusada tambe ta tumando lugar den direccin opuesto, cu decenas di hende bolbiendo Gaza durante e mesun periodo.

Thawabteh a bisa AFP cu 88 hende a drenta e franha di Gaza for di Egipto desde cu e crusada a habri, hopi biaha pa reuni cu nan famianan.

Israel a permiti e reapertura

di e crusada di Rafah dialuna, aparentemente despues di presion for di Merca, pero te awor el a limita acceso solamente pa pashent y famia cu ta acompañando nan.

E reapertura di Rafah a ser exigi pa hopi tempo pa UN y organisacionnan di ayudo, y ta forma un elemento clave den e plan di tregua pa Gaza di presidente Mericano Donald Trump, unda condicion

humanitario ta keda grave.

Pa miles di Palestino enfermo y herida, e reapertura di e crusada ta ofrece un oportunidad unico pa busca tratamiento medico na Egipto of otro pais. Abu Salmiya a bisa siman pasa cu casi 20.000 pashent den Gaza mester di tratamiento urgente, incluyendo 4.500 mucha.

Etiopia ta exigi Eritrea pa “retira su tropanan inmediatamente” for di su teritorio

(AFP)—Un guerra di palabra amargo a escala despues cu Etiopia a duna orden na su pais bisiña Eritrea pa “retira su tropanan inmediatamente” for di teritorio Etiopiano, unda e dos paisnan aparentemente ta acercando un conflicto nobo.

E relacionnan entre e dos paisnan a keda tenso pa hopi tempo caba.

Den e ultimo lunanan, Addis Ababa a acusa Eritrea di ta apoyando insurgentenan riba suelo Etiopie—alegacionnan cu Asmara ta nenga. “Desaroyonan di e ultimo dianan ta indica cu gobierno di Eritrea a scoge e caminda di escalacion,” minister di Asuntunan Exterior di Etiopia, Gedion Timothewos, a bisa su equivalente Eritreo den un carta data pa diasabra.

El a exigi Asmara pa “retira su tropanan for di teritorio Etiope y stop tur forma di colaboracion cu gruponan rebelde”.



E “incursion” cerca di su frontera y operacionnan militar den e area aki tabata “no simplemente provocacionnan, pero actonan di agresion directo”, el a bisa.

Timothewos, sinembargo, a agrega cu e ta kere cu e “circulo di violencia y desconfianza” ainda por ser kibra a

traves di diplomacia. “Si nos recibi un respuesta positivo riba nos demanda legitimo pa respet di soberania y integridad teritorial di Etiopia”, e ora Etiopia lo ta “dispuesto pa drenta den negociacionnan di bon fe”, el a bisa.

Gobierno di Eritrea no a responde inmediatamente na peticionnan pa comentario.

Eritrea, un di e paisnan mas cera na mundo, a logra independencia den 1993 despues di decadas di lucha arma contra Etiopia.

Despues nan a drenta den un guerra riba frontera entre 1998 y 2000, unda dies miles di hende a muri. Prome minister di Etiopia, Abiy Ahmed, inicialmente a busca un

strategia cu Eritrea ora cu el a asumi poder, loke a dun'e e Premio Nobel di Paz na 2019.

E dos gobierno a coopera contra rebeldenan for di e region di Tigray na Etiopia durante e conflicto di 2020-2022, pero nan a cay den desacuerdo riba e acuerdo di paz, for di cual Eritrea a ser exclui.

E guerra civil di Tigray a mata por lo menos 600.000 hende y e acuerdo di paz cu a resulta di esey, conoci como e Acuerdo di Pretoria, nunca a calma e tension completamente.

Autoridadnan Etiope ta bisa cu Eritrea ta “activamente preparando pa guerra” y ta financiando gruponan arma cu ta combatiendo contra forsan federal.

Eritrea, mientras tanto, ta acusa Etiopia di kier probecha di su waf na Assab como parti di un esfuerço di e pais cera pa haya acceso na lama.

Prome minister di Hapon a priminti di “construi un economia fuerte” despues di eleccion parlamentario

(Infobae) – Prome minister di Hapon, Sanae Takaichi, a compriminti su mes pa aplica un politica fiscal responsable despues cu su partido a gana e eleccion parlamentarioayera. “Nos a insisti constantemente riba e importancia di un politica fiscal responsable y proactivo”, e premier a declara riba television, y a expresa su obhetivo di “construi un economia fuerte y resiliente”, despues di anuncio inicial cu a crea preocupacion den mercado y a subi rendimiento di bono di gobierno Hapones.

E presidente a priminti continuidad den Gobierno despues cu medio di comunicacion a pronostica un victoria pa e Partido Liberal Democratico (PLD) den e eleccion general. “Un poco mas cu tres luna a pasa desde formacion di e Gabinete. E miembronan di Gabinete ta hende cu mi a scoge cu confiansa y cu ta traha hopi duro na e momento, asina cu mi no a considera cambia nan”, el a bisa na e canal Hapones, TV Tokyo.

Sinembargo, Takaichi a laga habri e posibilidad pa incorporar un representante di e Partido di Innovacion di Hapon (Ishin) na su team di gobierno si e formacion ey pidi esaki.

Igualmente, Takaichi a gradici presidente di Merca, Donald Trump, pa su “palabranan caluroso” di apoyo despues di e victoria di su partido den e eleccion legislativo riba diadomingo. “Mi ta spera cu gusto bishita e Cas Blanco e spring aki y sigui traha hunto pa fortalece mas ainda e Aliansa Hapon-Merca”, el a skirbi riba X. E tambe a enfatisa cu e relacion bilateral ta basa riba “confiansa profundo y cooperacion estrecho”, y a declara: “E potencial di nos Aliansa ta ilimita”.

Secretario di Tesoro di Merca, Scott Bessent, a describi e resultado como un “gran victoria” pa Takaichi, cu tabata nposiciona pa logra un victoria solido den e eleccionnan tempran. Segun calculacionnan, e coalicion di Partido Liberal Democratico (PLD) lo por logra riba su mes, mas o menos 300 di e 465 asiento cu tabata na dis-



puta y recupera e mayoria absoluto sin depende di su partner di gobierno, e Partido di Innovacion di Hapon (Ishin).

“E prome minister a yama eleccion tempran... y awe e a logra un gran victoria”, Bessent a bisa den un entrevista cu canal Mericano Fox News. El a resalta e “excelente relacion” entre Takaichi y Trump, añadiendo: “Ora Hapon ta fuerte, Merca ta fuerte den Asia”.

Takaichi ta hopi popular, pero e Partido Liberal Democratico, cu a goberna Hapon pa mayor parti di e ultimo 7 decada, a enfrenta scandal di financiamiento y religion. E presidente a yama eleccion tempran e diadomingo aki apenas tres luna despues di asumi e cargo, cu speransa di cambia e situacion ey antes cu su popularidad baha.

E gran aumento compara cu e eleccion anterior lo por permiti Takaichi avansa un agen-

da di derecha cu ta busca promove economia y e capacidad militar di Hapon, mientras tension cu China ta aumenta. E tambe kier cultiva relacion cu su aliado crucial, Merca, y cu un presidente, Donald Trump, cu ta algun biaha impredecibel.

Takaichi, un ultraconservador cu a asumi e cargo den october como prome gobernante femenino di Hapon, a priminti “traha, traha, traha”, y su estilo, considera casual y duro na mesun tempo, a logra mobilisa siguidornan mas hoben.

Den e sondeo previo na e votacion, nan a indica un victoria profuso den e camara abao pa e PLD. Pesar di e formacion di un aliansa centrista nobo y un aumento di derecha extremo, oposicion ta considera demasiado fragmenta pa representa un reto real.

Takaichi a spera cu su partido,

hunto cu su partner nobo, e Partido di Innovacion di Hapon, lo logra un mayoria den e camara abao di 465 asiento, e mas poderoso den e parlamento bicameral di Hapon.

Sondeonan reciente di corantnan grandi Hapones ta mustra e posibilidad cu e partido di Takaichi lo por gana un mayoria simple riba su mes, mientras cu su coalicion lo por gana te 300 asiento, un salto grandi compara cu e mayoria estrecho cu nan tabata tin desde su derota electoral den 2024.

Si e PLD no logra gana un mayoria, “mi lo renuncia”, el a declara.

Un victoria grandi pa e coalicion di Takaichi lo por marca un cambio importante pa derecha den siguridad, inmigracion y otro politica den Hapon. Hirofumi Yoshimura, lider di partner conservador JIP, a bisa cu su partido lo sirbi como un “acelerador”.

Recientemente, e pais a mira populistanan di derecha extremo gana tereno, manera e partido nacionalista antiglobalista Sanseito cu ta den ascenso.

Takaichi a priminti di revisa politica di seguridad y defensa pa december cu meta pa reforsa e capacidad militar ofensivo di Hapon, kita e prohibicion riba exportacion di arma y aleha mas for di e principio pacifista post-guerra di e pais.

El a pusha pa politica mas estricto tocante stranhero, medida anti-spionaje y otro cu ta agrada votadornan di derecha extremo, pero cu segun expertonan, por mina derecho civil.

Takaichi tambe kier aumenta gasto di defensa den respuesta na presion di Trump pa Hapon relaha su limitacionnan presupuestario.

Aunke Takaichi a bisa cu e ta buscando un mandato publico pa su “politicanan divisivo”, el a evita drentaa den detaye manera forma pa financia gasto militar creciente, con pa resolve tension diplomatico cu China y otro asunto controversial.

Den su discursonan di campaña, e prome minister a papia cu entusiasmo riba e necesidad di gasto gubernamental “proactivo” pa financia “inversionnan den maneho di crisis y crecimiento”, manera medidan pa fortalece seguridad economico, tecnologia y otro industria. Takaichi tambe ta busca promove medidan mas estricto riba inmigracion y stranhero, cu ta inclui rekisito mas duro pa propietarionan stranhero y un limite riba e cantidad di residente di otro pais.


E votacion di diadomingo tambe a cuminsa bao di sneeuw na henter e pais, incluyendo Tokyo. Nort di Hapon a mira un cantidad record di sneeuw den e luna reciente cu a causa blokeo di caminda y decenas di morto, y tin temor cu e tormentanan lo por stroba e votacion of retrasa e conteo di voto den e area mas afecta. Con su popularidad lo traduci na voto entre votantenan mas hoben, conoci pa nan participacion abao, durante mal clima, ta impredecibel.

Hefe di personal di prome minister Britanico ta retira memey di scandal tocante conexion di Mandelson cu Epstein

(AFP)— Hefe di personal di prome minister Britanico Keir Starmer, ken ta experienciando presion, a renuncia diadomingo pa motibo di e nombramento di Peter Mandelson como embahador na Washington, a pesar di un conexion cu e delincuente sexual condena di Merca, Jeffrey Epstein.

“Despues di reflexion cuidadoso, mi a dicidi di retira for di gobierno. E decision pa nombra Peter Mandelson tabata un eror. El a daña nos partido, nos pais y e confianza den politica mes,” segun Morgan McSweeney, hefe di personal di Downing Street, a bisa den un declaracion.

“Mi a conseha e prome minister pa haci e nombramento ey y mi ta tuma responsabilidad completo pa e conseho ey,” el



a agrega. E Irlandes di 48 aña semper a mantene un perfil abao, pero algun a yam’e e “persona mas poderoso den politica”, despues cu el a hunga un rol clave den e victoria electoral contundente di Starmer na juli 2024.

El a haya credito pa yuda move e Partido Laborista den direccion di un agenda politico mas centrado, despues di e mandato fracasa di ex-lider isquierdista Jeremy Corbyn. Tambe a bisa cu e tabata cerca di Mandelson, ken anteriormente a yuda ex-prome min-

ister Tony Blair transforma e partido y su suerte fin di añanan 1980 y comienso di añanan 1990.

E retiro a bin na mesun momento cu e ministerio di Asuntunan Exterior a bisa cu e ta revisando un pago di salida pa Mandelson, ken a ser retira pa Starmer na september pa motibo di su amistad cu Epstein.

Mandelson, un figura clave den politica Britanico y Partido Laborista pa decadas, a ricibi un pago entre £38.750 y £55.000 (\$52.000 te \$74.000) despues di apenas siete luna den e puesto, segun un reportaje den Sunday Times.

Documentonan publica riba 30 di januari pa e Departamento di Husticia di Merca ta muestra cu Mandelson supuestamente a filtra informacion confidencial di gobierno Britanico pa financier Epstein ora cu e tabata minister Britanico, incluyendo durante e crisis financiero di 2008.

E revelacion aki a pone presion intenso riba Starmer y a activa un investigacion policial contra Mandelson, ken tin 72 aña, pa supuesto conducta indebido den un cargo publico.

E ministerio di Asuntunan Exterior a bisa den un declaracion cu el a lansa un revision di e pago di salida di Mandelson “den luz di informacion adicional cu awor a sali y e investigacion policial cu ta sigui”.

Minister di gabinete Pat McFadden a insisti anteriormente cu Starmer mester keda na cargo, a pesar di su “eror terrible” den e nombramento di Mandelson.

El a bisa cu e culpa real ta cay “completamente” riba Mandelson pa postula su mes pa e funcion, a pesar cu e sa e

amplitud di su relacion cu Epstein.

Vice prome-minister di Starmer, David Lammy, a bira e prome miembro di gabinete cu aparentemente a distancia su mes for di e prome minister, segun un reportaje den Sunday Telegraph.

Vice prome-minister no tabata na favor di nombra Mandelson pa motibo di su vinculonon conoci cu Epstein, segun loke amigonan di Lammy a bisa.

E Partido Laborista di Starmer a asumi cargo mas o menos 18 luna pasa den un victoria electoral aplastante. Pero el a keda tras di e partido anti-inmigracion Reform UK di Nigel Farage, pasobra gobierno a ser critica riba inmigracion, crecimiento economico y e crisis di costo di bida.

Reform UK a lidera cu cifranan di dos digito den un encuesta pa e aña cu a pasa.

Mandelson, tambe un ex-comisario di comercio di Union Europeo, a renuncia for di e camara halto di parlamento, e House of Lords.

E ex-embahador tabata un di varios figura prominente cu a keda mas bergonsa pa e revelacionnan mas reciente di vinculonon cu financier Epstein, ken a muri den prison na 2019 mientras cu e tabata enfrenta acusacionnan di supuesto trafico sexual.

Autoridadnan di Merca a determina cu e morto di Epstein tabata suicidio.

Un vocero di e bufete di abogado Mishcon de Reya, cual ta representa Mandelson, a bisa cu e “ta lamenta, y lo lamenta te su ultimo dia, cu el a kere e mentiranon di Epstein tocante su criminalidad”.

“Lord Mandelson no a descubri e berdad tocante Epstein te despues di su morto na 2019. E ta lamenta cu muher y muchanan vulnerabel y sin poder no a ricibi e proteccion cu nan tabata merece,” e bufete a bisa.

Starmer a duna tributo na McSweeney den un declaracion. Tabata “den gran parti danki na su dedicacion, lealtad y liderato cu nos a gana un mayoria aplastante,” el a bisa.

“Nos partido y ami ta deb’e un gran gradicimento,” el a agrega.

A night of
INDULGENCE
February 14, 2026 | 5:00pm

3-course dinner \$235 per couple including a bottle of wine

Reservations through [Opentable.com](https://www.opentable.com)

JOIA Aruba offers a seamless, fully cashless experience.

GAIA | **JOIA**
by IBEROSTAR

@GAIA.ARUBA